


李空同詩集卷十

五言古詩四十七首

北海李夢陽獻吉撰



余懷百門山水尚矣頗有移家之志交春氣熙
忻焉獨往述情遣抱四詠遂成示同好數子

魯連蹈東海介子逃西山方舟信超越巖徑安可攀揚
烈猶靡懲置金徒嗟歎伊余秉拙訥薄游及茲年急湍
有奔桴迫路無停轅慘慘滄流月悽悽沙塞煙徒欽靜
者意未遂同袍言偶耕慕龐公巖棲景焦先捫衷諒有
持顧已竟誰諉復來感方寂解作憂更牽抑心二十載
始別金門還積疴謝人徒頗與疏遜便眷茲丘園榮豈
羨場苗篇

空同集卷十

一

浮海傷固窮逾河歎誠邁濯纓萬里流高視九州外功
成奔運徂氣至流飈代淒淒秋柯零冉冉春條媚周覽
倦河壖孤悰冀巖瀨道以沈寂超賞與崇深會豈惟超
遠情亦因謝塵籟聿想山中人風吹女蘿帶折麻淩險
屺采秀越森蒼眷彌志終申獨往竟誰礙亭亭太行峯
巖巖百門對抗手別故權乘雲弄煙溼

閱圖訪名奇久欽蘇門山危峯羅縣牖積石噴鳴泉情
吟激衛女嘉遯招古賢出游結夢想神往理誰詮連巖
旣鬱紆回渚復懸芊猿吟曙霏豁鴈泊暝陰還杖策躡
丰茸解裾濯潺湲仰視游雲翻俯察戲藻鮮覽物慨幽

存撫化懷冥筮況逢春華交更此眺孤煙畢婚非達生
一嘯復何言

山客戒明發朋故來攀畱巖潭窈巨測險徑增離憂曰
余負幽僻誦古欣遠游陟懷康樂屐浮羨鷗夷舟探討
傾子長浪迹多阮侯若人不可作瑤草竟何酬事往悲
易深情存道難侔以此激孤詠喟焉睇滄洲安波有覆
臚坦路無全輶危虞豈在資薄劣終見尤願附綠蘿緣
永與棲者儔

自大過渡河趨陂沙岡

凌春遠行邁游目恣沿越漸辨林中曙遠失霞上月觸
物誰爲情悲歎曷可歇載登隋疆場況眺宋城闕陽坡

空同集卷十

二

散初柳陰曲峙寒雪只此判氣候豈必殊燕粵潛潛濁
河駛粲粲晨風發揚帆截驚瀨倚棹望窮髮鳧鴈眇難
卽汀蘭翠堪結美人旣莫期天路復幽絕陂岡鬱參錯
岸沙皓明滅日暮孤雲興何以慰忡悒

陽武詠懷陳平張蒼遂及博浪之事

玉璽戒不力金鏡淪無光大人旣龍興烈夫亦鷹揚伊
人各乘時矯若孤雲翔韓椎豈在屢秦氣日以喪六奇
佐揮戈五運開靈昌時來屠沽奮迹往英雄傷平生冀
風期況乃逾故疆灑淚越修垵含淒遡河梁古墳密嶠
曉春沙鬱茫茫徒瞻松柏路詎申椒蕙芳遺榮竟何尤
任智終自戕羨彼赤松游援筆卽此章

覽游百泉乃遂登麓眺望二首

束髮懷幽奇覽籍冀有遇來登百門泉果協佳勝趣
恣圓波踊藹藹浮陽聚止坎渟泓冽激石迅湍注昔聞
滄浪濯今解川上喻豈惟傷衛歌兼以發蒙慮況值春
序中羣物已改故菰蒲冒清深鱗介各有慕行羨浴渚
鳧靜對栖雲鷺巖霏空潭影林藹變朝暮極目北上帆
朝宗感游寓

發鞍憩林木杖策陟陁峴巖連嶺參錯洲曲岸回轉白
日麗蘭薄原綠靜如洗嘯臺旣清峻行窩更幽緬慨念
昔時人瞻望淚已泫薛荔夕搖曳蘿徑復誰踐碑板半
磨滅石門積苔蘚代異道豈隔事邁迹空顯獨采石閒
秀眷此何由展逝鶴無卑音潛虯厭汗淺曠哉古今意
難與世人辯

登大梁故城

登高與處卑由來慮多端登高尙寡悰處卑馬能權以
茲歷荆榛褰衣躡巘岼土壤帶陰風樓櫓危急湍巖岸
苦崩奔葭葦何漫漫周望鮮故物俯察多憂歎潛魚葺
其鱗驚鳥無停翰雲浮誠不任淵沈諒何難終附巖穴
棲斯地非我安

德安趨潯陽

始征晨風息雲流日色展登陸艱且澀厲澗一何緬維
時仲秋交颯颯林飈卷綠竹垂我車丹花映行幃冒巒

維有松繡石盡成蘚攀攀雖多悅互頓乃勞倦日中迫
廬岳蹊徑愈回蹇雲湧連遙嶠雨暗失近巘奔崩萬壑
會嶽絕一徑轉遽訝川梁沒幸遇石瀨淺道以習坎利
用待既濟顯介石諒益固巨川豈遂眩誰哉能豫謀隨
寓斯可遣

宿圓通寺

曉發蒲亭邑暮投石耳峯僕夫困霑濡山雨猶響松茲
壑沉采阻顧望惟溟濛幽巖託層房豁然臨猴江竹修
苞北基巖峭垂南窗俯觀裊戶蘿仰聆走檐淙挹此暫
足遣遐想情難降陶公有遺墳黃子雷孤蹤通止良固
殊羈縛誰爲惊坐聞吟猿暝祇令歸思忡

空同集卷十

四

釣臺亭成

颯颯風凋瀉纍纍山石峻卜構倚岑削檐楹闕奔迅俯
之纔一壑仰面已千仞訝游竟日夕載色掖英俊故杉
改新蔭魴鯉況充牣本輕任公釣詎慕庖丁刃素飈裊
延蔓商氣斂芳潤臨深悟邃奧覩逝識大順卻笑矜名
子羨魚一何吝

臥龍潭

出遊青天爛遂至臥龍潭重岑上無極白日蔽寒嵐巉
峭詎能步嶽絕誰可探歷石誠巍倨捫壑驚衍給我行
值秋季霜藹搖匡南午攀日忽夕足倦情逾酣雷瀑響
巖澗孤花媚澄涵撫似悟命意循蹟想名庵庵廢人蹤

絕巖剝文半滅世異坦道塞慨茲忍能說

白鹿洞徧覽名蹟

情高忽凌厲步健輕巉緬葛弱亦須捫崖滑每獨踐涉
清愛重屢探阻遠驚眩始茲陟五峯遂憩松下巘巖桂
紛始華石耳翠可卷追想白鹿蹟伊人竟何遣觸端緒
自縈薜荔沉在眼慨歎意莫置願望日已晚夕湖浴岑
峭流光滅蘭坂命酒寫幽獨鳴琴且游衍

始至白鹿洞

曠哉超世志緬邈平生思鬱壹眷名蹟久注匡山陔南
涉枉嘉命果諧夙所期仲秋巖壑清宮館復在茲白石
激寒湍巖蘿裊空基黯傷逝者往密慚來者追性同道
豈隔途異理空悲興言懷昔賢日竟眺前歧榛荒徒鬱
紆林菴一何深感情匪哀歎聊詠昭言垂

陟嶠

伊昔謝銜歸志頗諧綸釣甘追河上蹟切慕蓬池嘯孰
知紫芝慮竟荷青雲耀值秋歷江郡弭節登廬嶠沈深
九疊秀峻極千峯峭錦繡亂岑崿晨夕改觀眺晶晶游
氣斂皜皜寒日曜飛瀑信雷邁奔峽還龍躍耽游遽忘
歸久住輕時諠天池絕亦捫石鏡攀可照矧茲二三子
芬馥含清妙霜嵐澄西夕從歌做希調

廬山秋夕

山壑寒氣早日夕風色緊火流桂將歇霜至薰草隕蟋

粹集澗館禾委被疆眇物感憂自攢排遣情詎忍年徂
身與衰時棄世所哂躊躇夜不寐起坐萬念軫崖傾月
西流嶂曙松猶隱噉噉露猿嘯行行采芳菌

落星石

千江勢欲倒蠡門支孤嶼輝輝雲崖映洶洶湍瀨柱霜
水落丈餘石角露齟齬探竒犯窾涉停旄挈賢侶褰裳
入松寺倚竹望風渚崩奔亂帆下蔽曳波鳥舉秋空澹
明澄浮山互吞吐靈根合道蘊曠蕩豁褊阻貞靡亞砥
柱險可並灑瀕不聞永嘉勝祇因謝公許

泛左蠡

辭山意不悅水泛暫可樂微風逗帆席日竟展光耀揚
歌蕩溟昧鼓柁極窈窕指顧異晨暮俯仰改觀眺出沒
湖中山明滅海上嶠素輕左蠡險今覲石壁峭謝屐久
已蕪陶磯寂誰釣解吟松門詠令人發悲嘯

騎登謝址復舟觀於石壁

奮鶴有奇翰古鐸無追響游雲蹟易滅嗚世情難想昔
吟瞻眺詠今覲湖中賞松門旣岑峙川冰深以廣昏旦
候自變伊人竟焉往巖劓徒空嵌堂基鞠爲莽扉徑不
可識悲愉異今曩石壁屹寒岸葛崖嘯颺颺攬馭意已
極登舟祇彌惘抱茲久延佇遵渚路回枉

南巖寺

巖高屯屋巨谷邃至蹟罕仰之詎天缺登頓徒雲滿木

零鷓巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤重
陰起北谷凍雨響前巒志定邁孰禦勇往竟孤攀挽葛
接懸狖架木凌飛湍律律巖壑變颯颯嵐風寒隔港望
絕岫亭亭已雲端

至懷玉山會起書院

冒險登雲峯雲湧風不卷淒淒松霰響濡濡竹露泣沾
塗意已困覩構色頗展故堂改頽制新築負幽巘伐材
但菊谷礮石況非遠清渠激修溜巔畝曠以衍偶至若
期遇天定固良鮮仰止古有訓靜成力可挽祇虞游業
子捷徑爲世堯

空同集卷十

七

辭家樓宴

閒游北城隅俯視清江郭洪川帶名都形勢自相錯樓
觀藹鬱鬱街巷紛以漠北城良已高沉陟城上閣輕裳
拂倒景飛檻聆天樂夕山一何蒼夏潦彌并絡衝風激
回流玄雲駭難泊暗觀逝者危遂悟居者樂慷慨亮易
感捫心果誰惡夷險非我爲彈劔且盡酌

曲江亭閣

纜舟金華潭遂陟岡上閣蹊徑阻紆鬱巖水光參錯夏
林一何清餘雨浙未落高覽景自異沉值晚霽廓夕日
明錦湍歸雲擁華薄近山聿蒼翠遠嶺復岑崿曠蕩感

遇寓俛仰歎今作不見往者悲祇覲來者樂顧瞻大江
流愈恨代謝速源湧竟誰禦謙守諒能曲所貴遺榮名
觀義願有勛

發豐城屬江漲風便

午晴發豐邑挂席遡修瀨潮起果諧志風助利擊汰棹
歌落日上游目波嶠外巨川信易涉貞固乃宜戒

登州乘武陽抵進賢

大宇流玄化生情互陰朗積霖夜猶注寒陽朝遽上肅
肅晦色斂晶晶川水廣楓林一何赤沙嶼鴻競往涉河
歷紆鬱登嶺暫停鞅撫江信縈帶鐘陵氣弘敞荆俗雜
澆厚徵賦則邦壤佩刀豈民性翦戮歎幽枉

空同集卷十

八

自南康往廣信完卷述懷十首

越旬不出門所值疑初覲長湖迄華岳融景遞澄秀鼓
柁聿行邁覽物每欣邁飄飄順帆風逶遲斂雲晝鳴鶴
矯豐田文魚駛閒溜有生孰靡適時及異榮疚彼哉吾
豈仇乘運視所受履茲良已快迺餘足云究

迅風會高雲逝逝曷能已朝聳冠劒馳夕暮遭纍繫榮
辱邈何因嘒嘒昧成理湖程莽復闊灘溜於春駛肅肅
東驚帆晨夜不得止仰睇唳柯猿俛傷躍清鯉一言季
布召斥以一言毀從古誰靡然寄語求全子

金閣簡英儒玉書託紀綱絲言一何諄黜佞掄圭璋澄
清有夙愴攬轡誠慨慷聿茲歷三始矢志千載芳風波

駭非意多口亂否臧九閭眇以玄欲叩六翻傷所司專
愛憎威刑喪厥常彼方聳輕蓋寧知嗟道傷
淵雲諒殊性予豈經世儔馳驅二十祀學宦寡諧謀昔
斥還三河誓言永林丘靡堅今咎誰畜志竟莫酬在難
歸貽阻眇焉痲前修陟崇望波嶺翔雲駭西流春羽振
桑榆念之心形仇東阻歎伊始懷哉俾無尤
朝離俯羅浦東至龍潭宿戢柵候明發獨寤守空曲宵
晝有常理欲往不獲速多慮良攪眠強置復攢觸起立
萬動寂湍響應鳴谷驚風臨岸激高月散春木絮雲吐
岑岫玉繩低以屬慨哉復奚道徘徊至天旭
一氣噫太虚吹萬良不同伊余就幽役春序奄已中芳

空同集卷十

九

辰下霜電寒暄乖故風北柯沮靡榮南林曷由豐臨門
翳孤松悠悠慨初終張儀相六廷虞氏哭途窮首陽乏
長薇洛都鞍馬雄天定俟何時詠言摧深衷
雲和易成霖羲陽一何冥淹哉沮洳區佳日閉我扇覆
瓦僅蔽牀頽壁支數櫺淒飈驚中帷電霰時復零天道
有常乖萬殊誰竟寧子期久已徂縱陳孰爲聽當道有
豺狼瑣言訾螟蛉習坎固終利從茲做無形
靜居百慮屏孤樹迺牆隅奄茲華葉更搔首睇淹如時
雲布靈谷天令震高衢霖潦灌百川萬壑寔安魚東京
構黨禍郭子逝于伊匪三顧勤孰崛南陽廬涼燠非
力排裘葛從所須龍蛇翳厥身孔贊寧我諫

赦者小人幸臣誠小人儕匪圖軒蓋榮山海有奇懷禮
法無復拘評者靡我排思夙慕華貴振鞅登要遠烜赫
豈不快寤寐憂所乖識幾既不早今戀非鄙哉乘桴越
洋濤采蘭及春滋于焉可佳客龐叟心所期

一夕復一辰倏忽春務易雲葉布豐林蚯蚓盤我壁田
竇仇片言厥怒一何赫笑謔有白刃千載乃露蹟倦茲
掩陳記出戶睇高翮積讙聆民誼欲采不可譯英驂振
飛軻出入勢輝奕哀哉彼何子躊躇祇沾臆

勳本補廣獄成還南昌候了十首
一淹經六旬揚舡復焉極脫然雖靡由事事嘉可卽依
依春功奏朗朗維夏徧故茲波與嶺觸目異前昔逸雲

空同集卷十

十

散歸兩川水浩崩濫挂帆趁風瀟覽岸湊悲懔昨猶置
中免今爲頑林翼逸言念先古展矣我心獲
直木防見伐茲言豈我欺若華耀四海孤邈疇見知莊
鷗運池溟舉翼九天垂風積苟不厚中路將安期歎息
竟何語俛視川波馳溢霖驚洪濤千載固厥時燕石一
何珍有驥不自持野飈激靈襟逝言宛長岐

時至鮮枯林朱蘭被長坂臨嶠覲賢蹟停楫暫游衍靈
雨吐葛花柏葉已復展佳哉溪上邑流峙互而緬岑岑
徐巖秀飛泉灑丹巘巖亭交景風裾帶時自卷居高乃
慮孤涉歷悟攸遣枚枚三陸宮千秋竟茲顯
餘于濱巨湖厥土曠以浮津驛暮何囂避之泊南丘遣

子省其母析權詣江州明星波洞洞欲發仍復畱有端
肇絲微涓涓遂成流拊心實罔慚患來誰誠謀紛綸及
今茲事已遙尙憂志士常苦貧飢渴無我尤
昔游東山日覽古肇新宮徐令實經營絃誦溢其中閔
茲奄三年離滯心莫同我舟非不維柰此西逝風乃子
胡德余于邁遠從公朝旦發龍津暮棲依瑞洪湖山沒
如拳波途浩難窮佇瞻有深懷貽謠勒堅崇
夕棲瑞洪渚遙覽渚北山相傳洪崖子乘雲自此閒履
蹟今尙存其人邈莫攀粵余登征途頻年涉閒關毀譽
一嬰心寤言多所歎於茲誠踟躕振衣躡前巒泝水莽
浩浩驚風蕩回川欲濟惜無梁飈輪儻中還

空同集卷十

登艫倏五日覽接漸增闊洶洶北注川瀏瀏得縱壑劇
哉風水慮履順故靡豁高鳥厭塵集智士貴處末交甫
懷漢濱婉變情遽奪結駟匪不侈險至誰竟逼沈身厥
亦罕萬世惜不脫遙遙哀雲岑瑤草爛孰掇
明晦每無常人道豈不然歸雲徂靡餘日華耀清漣戚
愉繁爲誰喟然想千年姑蘇寵宰語越孤辭會山梅將
輔番君范子逝不還乖歲君子貧枉尋矜大賢時霖潤
萬物猶蕙乃同妍東門可棲遲歸歟聿奚言
陽鳥逝無餘覲者鶯與鳧青青澤漱毛刈之糞誰畚經
過問當年云茲夙屬吳歸命喪厥儀長雲奄西徂撫牀
竟空言金陵乃以都桓侯威八州溫氏闡雄圖聆言愴

我衷徬徨感終初混一今其時舟騁非爾虞
仲冬別豫章涉夏茲復臨涼燠殊厥時能不摧我襟樓
觀蔽泰清眾木淒以陰倚橈陟龍沙優游眺洪深魚鼈
潰驚流瀾駭遂至今中有夙縱鳧振翼回哀吟波阻杳
莫卽馳景忽西沈抗手自茲辭萬世懷飄音

李空同詩集卷十終

空同集卷十

三

莫問峴景恐西沈抗手自茲辭萬世懷飄音
青巒赤闥幾幾至今中宵夙縱鳧振翼回哀吟杳
莫卽馳景忽西沈抗手自茲辭萬世懷飄音
莫問峴景恐西沈抗手自茲辭萬世懷飄音
青巒赤闥幾幾至今中宵夙縱鳧振翼回哀吟杳
莫卽馳景忽西沈抗手自茲辭萬世懷飄音

李空同詩集卷十一

北海李夢陽獻吉撰

五言古詩四十首

禘祭頌述

弘治十八年歲除日作是時武宗初卽位

嗚呼大聖人肇迹或漁樵蒼龍戢其角志固無丹霄德
祖始側微濬葉開皇朝禮蓋視后稷面南統羣昭大哉
九廟儀親盡敢不祧再遷及皇熙世室闕以寥裕辰復
來集鳳凰鳴簫韶惟皇率百辟孔祀自今朝白日照寶
旂御氣如絳綃將將磬筦鳴颯颯靈旗飄恍惚帝醉飽
諸王亦飄颻下有開國勳偃蹇羅金貂愚臣叨對越精
魄爲之搖鼓鐘送羣公玉戶風蕭蕭唐侯昔踐位十八
號神堯皇實秉敦默龍性無道遙道合天人際志與神
明超降祉儻冥漠四海無征徭

清廟篇

巖廊肅文欽芳區恣幽騁寬糾豈異性拘曠本殊境嶽
岑路寢東森疏嘉樹靜珍叢媚朱夏秀幹揚修景曳踞
羣彥集拄笏萬慮屏仰望南城苑飛除帶崇嶺巖崑白
玉閣要眇黃金井季主飾觀眺哲王擯游幸自非淵聖
姿誰保天步永

丙寅元日朝退有作

赫赫大明朝皇皇啟八葉諒闇在冲齡憂勤纘洪業眞

人改革殊屢覩禎祥協春王肇元載萬國咸臣妾端冕
御茲辰縹緲仙雲接神飈翊紫蓋翔龍舞浩劫哲后畏
天威惕若春冰涉古編昭日星有躅尙可躡大哉五始
義允矣三陽浹

從軍四首

漢虜互勝負邊塞無休兵壯丁戰盡死次選中男行白
日隱磧戍胡沙慘不驚交加白骨堆年年青草生開疆
勦未已召募何多名蕭蕭千里煙狼虎奔縱橫哀哉良
家子行者常吞聲

從軍日已遠備茲途路艱驅車太行道北度鴈門關天
寒雨雪凍指墮曾冰閒登高望虜境白沙浩漫漫單于

空同集卷十一

二

數百騎飄颻獵西山設我烏玉弓赫然熱肺肝安得奮
長劍一繫名王還

別家亦云久昨得家中書書中何所云父母與妻孥昔
來柳依依素雪今載塗豈不念還歸天子西擊胡登山
眺故鄉存沒兩嗚呼丈夫死國讐安能戀里閭生當取
封侯怨別祇區區

久處行伍閒漸知苦樂情能蟠丈八鎗徒御不我輕府
帖昨夜下燒荒有我名秣馬待天曙肅肅寒霜零左韉
插雕羽雄劔躍且鳴日高渡黃河東過受降城所羨在
滅胡富貴何足榮

屯田二首

葉落歸故根孤雲有時還凶年閭里盡誰門今幸全
者自何歸皮膚半不完百租叢其身欲訴誰見憐吾家
十八軍獨我猶從戰昨當戰交河左髀貫雙箭本不識
犁鋤況復千畝租三訴吏不語鎖頸投囹圄
日落蒼天昏奔馳吏下屯揚言科打使論丁不論門老
軍出聽卯老婦吞聲言邊城寡機杼耕種育兒孫誅求
餘粒盡竭力豢孤豚昨當總管來宰剝充盤餐言既復
長號吏去收他村

塞上雜詩二首

邊烽日夜至飛符來會兵羊牛入高峇雞犬皆震驚壯
士按劍起鞍馬若流星鎗急萬人靡笑上受降城生繫
五單于歸來獻天庭
胡兒追野馬迸蹶若驚鴻一馬帶雙箭墮我邊壕中敢
望不敢近踟躕各按弓抽身復北去天寒沙磧風

功德寺

宣宗昔行幸游戲玉泉傍立宇表幟嶮開池荷芰香波
樓遞蹙沓風松奏笙簧百靈具來朝落日錦帆張萬乘
雷霆動千巖滅流光綺繡錯展轉翠旗沓低昂法眷撞
鐘鼓宮女拭御妝笙鏞沸兩序星斗宿巖廊至尊奉太
后國事付三楊六軍各宴眠百官守舊章巡非瑤水遠
蹟豈玉臺荒嗚呼百年來回首一慨傷鳳騰赤霄暮龍
歸竟茫茫山風撼網戶紫殿生夜霜退朝值休沐我行

暫翱翔娟娟登岸林慘慘度石梁廢道哀湍寫松柏閒
成行啟鑰肅覽歷過位增悲涼積久灑掃缺乳鴿鳴膳
堂舊時琉璃井倒樹如人長神已佐上帝教猶託空王
鈴磬颯鳴戛晨昏禮相將盤游非聖理操縱在先皇至
今朝廷上不改舊紀綱

翠華巖

洞劓邪律詞其名翠華巖俯視聳觀閣仰面攢松杉厥
維何王代鬼斧開嶄巒積氣久削薄煙嵐鬱相攬屢憩
驗足繭獨往悲情凡入蘿畏石墜轉嶠驚日銜飄飄萬
里風吹我秋衣衫放迹慕康樂入道懷賀監載思武陵
避愈悵桃花岳去住亦由人極目江上帆

望湖亭

空同集卷十一

四

來登望湖亭始盡覽歷妙布席倚岳嵌波望領佳要山
花落天鏡鉤簾巨魚躍巖潭遞隱見圓浪浴奔峭帆律
百萬閣日落展光耀羈縛阻延放臨淵羨孤釣霜寒葭
莢白沙晚鴉鷓叫吾非阮生倫於此亦長嘯

呂公洞

厓根豁一門怪石相撐拄豁豁自吞呷白晝亦風雨陰
處汎清泉積苔蔭鍾乳往聞茅山勝夙慕華陽主路遐
限孤往倏歷十寒暑經互騁心目小憩偕道侶茲洞雖
人境固足託茅宇惕然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊高
卑各稱妙曲盡結構巧有泉如綫縷盤轉出松杪嗜奇
忘登頓緣危肆探討險絕逼牛斗蕭颯若風島夜宿來
青軒天色碧可掃湖沙靜莽莽海月白皓皓想當邦邑
初此地只蒿草綺麗乞誰鑿巖壑爛相裊但看全盛時
民力爲茲槁

平坡寺

西山萬佛宇爛若舒錦繡平坡憑風迴突出眾山右宮
閣因巖坳面勢巧相就百里見琉璃截嶠戴雲構明游
探絕迹杪秋歷羣岫得此目力展恍疑出氛囿仰看北
斗偈俯恐東海潛雄壓香山麗閣掩望湖秀落木響巖
窟寒嵐染衣袖延緬古今并佇立悲慨湊盛葉慮反始
危基有傾仆千載誰復臨逆想蓬蒿茂

天寧寺觀塔碑

舊瞻天寧塔今覽天寧寺茲塔多鬼怪光芒夜夜至不
知何時殿結構今頽棄剔蘚讀其碑識是隋文季蝌蚪
半剝落蛟龍猶夔夔我來值時暮攬逝發潛喟修陸控
趙代長山衛燕冀蒼然野眺合一灑楊朱淚

鏡光閣

我生走紛境性意苦不適竭來鏡光游不覺祇樹夕鳥
藏丹閣暮蕭槭柿葉赤杳如造巖壑圓其寡人迹其王
戴金冠天子之所客返我蒼筍下坐我紅罽席落日入

虛牖窈窕雲光白團團石蓮鐙照耀錦繡壁忽聞鈴磬
發轉悵俗務迫靜躁本殊科利義各有癖伊余竟何爲
奔併阻行役乞君摩尼珠一照幸不惜

媯皇墓詩送喬太常

正德元年以上以卽位遣官禮百神

伊聞女希氏奮迹鴻荒日神功義農並吹簧豁陰鬱
極本寓言蛇身竟恍惚遺墓趙城側古廟松杉密霍嶺
峙噴岢汾川眇蕩滴穆穆秉德臣肅肅奉瞻謁祈靈沛
遐躅明禋備精物天雖積清氣運久恐漏闕徒煉五色
石寥廓詎能越送子願周道俾我心於邑

三忠祠

空同集卷十一

六

憶昔漢諸葛龍起荅三顧志決竟星隕嘔血爲軍務鄂
國與信國屹屹兩玉柱殺身不救國冤憤水東注往事
勒鐘鼎新廟俯官路慘慘冠劍並凜凜生魂聚翠旗晚
明滅往往鬼神駐懷歎各不申翻然向煙霧我征久奔
迫過此感傷屢時來展肅謁繫馬門前樹香臺野藪上
羅幔蟲蟻蛀烈士爲吞聲清風激頑懦

良嶽

城北三土丘揭嶂對隄口黃蘆莽瑟瑟疾風鳴衰柳云
是宋家嶽豪盛今頽朽我聞帝王富東京實罕有鑿池
通嵌竇移山媚戶牖岌業樓觀合欵吸風雷走巖陰翡
翠吟海窟蛟鼉吼燕趙矜麗人搜剔充妃后君臣互沈

酒斯道詎能久嗚呼花石費銖鎰盡官取北風卷黃屋
此地竟誰守迢迢五國城二龍回其首向使任忠良邦
國得滅否余來值寒暮悲歌坐林藪狐狸竄古壘破瓦
沒藜莠孤城峙我前蒼蒼日將西

天馬

天馬從西來汗血何歷歷天子顧之笑置在黃金樞鳴
呼神駿骨草豆日蕭瑟瘦骼突肆兀銜轡挂在壁白日
涕至地青雲志拋擲朝望竭石津夕盼流沙磧猶能肆
橫行儻君賜鞭策

古意

有鳥何方來哀嗚向西北我欲縛此鳥天路險且棘悠
悠浮雲行照我暮顏色丈夫重幾微男兒死邦國長鯨
一奔逃萬網不可得平生反掌志對此空歎息亭亭特
生杜道傷皖其實孤桐雖良材棄擲處遐域而余竟焉
往嗚呼淚沾臆

遣興二首

金陵固麗地幽薊亦名城皇天作南邦北斗開瑤京萬
國梯航入宮殿造泰清大哉帝王居海岳自環縈禹功
肇胼胝湯也勤四征煌煌肯構訓聖人垂其情

四海爲我土九夷盡來王貢琛至北戶北至玄谷陽我
祖秉天鉞血戰開其疆當時受命佐一一皆忠良噴薄
倚日月萬古瞻騰翔乘運雖有時盛業當自強

歲暮

軒坐意悄悄感此歲年暮一氣有肅殺昊天縱霜露衰容搖萬物日月立復度赤驥初長成自謂中君御揚鞭過都市萬馬不敢步天寒草蕭瑟側塞在中路良辰不再至我髮忽已素不見古賢達盡被名所誤沈吟惜蟋蟀延佇羨鷗鷺終然託遠適餘者豈足顧

苦熱

伏陰固當奮亢陽乃逾緬嘈嘈蟪蛄鳴樹杪風不展上天收雷雨萬物沮沾洗推案忽大叫蓐馭何時返赤日厚地裂揮汗無晨晚古時有虞舜彈琴理驕蹇軒轅制六律四序無乖舛何當挽二聖吾欲遂仰偃

十五夜

空同集卷十一

八

夜陳芳宴會座有離羣友中秋而無月何以慰尊酒賓主慘不樂周席盡回首向黑明鐙入雲景爛虛牖尚覩光破滿時問陰薄厚吁哉至精物汝亦蒙此垢上天悲隔遠人生怨分手月既有開塞吾寧息奔走霜露棲蔓草疾風下高柳勸君聊盡觴居諸亦何有

十六夜

四海蒸爲雲三夜皆天風他方縱有月不照長安中長安十二樓戶牖鑿玲瓏貴家金張徒高宴開帟幪華燭代明月何必光遂通夕露久已晞懽娛良未終迫塞諒有殊盛衰寧見同悠揚雲中魄既滿還自窮鬼神惡盈

躡天道懷其公

十七夜

幽意竟不愜待月坐沙際久陰固當豁明月忽墮地桂枝沒半輪蟾兔職業廢姮娥飾粉妝愁絕雲樓悶鸞憂不解舞竟夕掩孤袂崔嵬黃金闕何由訴天帝景破力不敵光滿雲仍蔽徬徨步林樾爲爾一流涕

小至

日爲眾陽宗來往成謝代來之生萬物往以告成歲亭亭義和駕建此南飛旆雙龍服偃蹇流雲翼其外和風卷凍霧重陰颯無賴樞知化工幹冥與天意會大君肅嘉禮君子幸亨邁誰能助新陽爲我激靈額

空同集卷十一

九

贈徐子

偃王世蕪沒石麟亦埋翳徐子發東吳英論有餘地龍游滄波阻日出浮雲蔽嗚呼獻玉士竟灑荆山涕光掩明珠棄寵奪西施廢古來共如此不獨君遭際余本澹蕩人傾蓋託末契酣歌繼旦暮醉酒無陰霽各爲征蓬散吾豈匏瓜繫舊時南陽宅回首成迢遞蹈海有夙期與子自茲逝

七夕遇秦子詠贈

皎皎河漢月照我西南樓七夕遠賓集置酒城東陬展席對雙星盈盈隔中流豔豔靚妝女欲濟無方舟神爽卽易合茫昧竟難求明明君子德寡始誰爲仇豈無采

唐約失身良見尤人生信齟齬世事良悠悠不見古時
人皓首猶公侯葵藿不餓死富貴安可謀願繫場下駒
盡我盤中羞我今爲秦聲子也當吳謳酣歌達清曙臨
分贈吳鉤

贈王御史

夕寒風自起集雪耀中宇朗月一何速早已爛芳醕避
逅我蘭友設尊款清語連翩忽竟夜悲歎爲故侶瑤華
雖莫折羽觴時復舉念昔青年日共矯凌風羽啄食九
天步宿必華池渚中路更險艱風波各失所大明盪妖
氛回光蔭衰腐諸賢旣連茹王子豈羈沮餘生實自慶
追念良已苦撼促廣陵散愴惻山陽旅事諧終合并感
往徒心楚棄置且安寓懽娛弄尊俎

空同集卷十一

十

酬伊陽殷明府追憶見寄

弱齡負奇節志欲凌海岳白馬金陵來遊戲宛與洛出
從七貴飲醉調五侯諛妍華不見售讒巧恩愛奪涼風
卷團扇世路隨飛霍謫居宰山邑頗喜占名郭川嶺鬱
森秀煙雲日噴薄況當素秋霽清霜掃天末龍門旣疏
峻伊水復澄豁啟牖眺飛泉據案望岑岬獨撫巖中琴
遙枉汴上作懷賢諒在茲感舊但如昨徒然佇王鳧未
果偕緱鶴終期謝紛袂攜手向嵩岳

與殷明府期嵩少諸山不果

旅寓限崩迫騷屑隘煩務向來嵩少約屈指謂旦暮豈

惟攀時彥兼欲展秋步僕夫戒衣糧車馬亦充數胡然
泥行邁遂此歎乖還我峩雲中峯阻爾獨何故佇瞻風
嶠突側耳石泉注夜來逍遙夢忽落嵩山樹纍垂松猿
噉澹沲巖姿露存已超彷彿醒若涉顛遽彼美眇何許
茲端愴難屢采蕙忌及晚我疾畏晨露煙蘿四時佳春
服易爲具河陽羣葩發振策冀有遇

酬秦子以曩與杭子并舟別詩見示余覽詞悲
離愴然嬰心匪惟人事乖迂信手二十二韻無
論工拙并寄杭子

憶年二十餘走馬向燕甸縉紳不識憂朝野會清晏嗜
酒見天真憤事獨扼腕出追杭秦徒婉婉弄柔翰探討

空同集卷十一

十一

常夜分得意忘昏旦雪雨亦叩門僕馬頗咨惋葳蕤香
山閣嶄峯蓬萊殿登頓窮日力延攬侔壯觀孔翠不易
馴人生本無絆蕭蕭田中蓬隨風各分散杭生比適越
秦子遊漣澗南北兩文星光芒互霄漢余衰更乖謬挂
一每漏萬夙遭青門斥差勝黃州竄偃息於沙澤游邀
傷河岸秦也雖共區累月不一見秦實困勞冗余亦怕
梳盥何況阻疆域杭也江之畔怍怍睽隔積鬱鬱歲年
換無計脫煩促轉坐迫滋蔓再讀並舟篇愈切山陽歎
誦言各欽德悲離古所患

暮春逢林子邂逅殊邦念舊寫懷輒盡本韻

赤驥奮途路神龍厭池沼不登泰山頂豈見眾山小明

公昔際遇志與青雲杳爛承夕扉詔番苦司隸擾君乎
實憤切軒然爭臣表朝野凜生氣樹鮮安巢鳥名孤眾
毀集竄薄憂心悄一投海濱郡遂守荒江眇遼遼嶺南
國借爾揭文旒中天行日月戛戛孤鷓鴣君雖關內產
迹自閩中肇業從考亭入統爲橫渠紹伊余放曠入漁
潛侶荷蓀亡羊以多岐望洋徒浩漉睽離歷十暑邂逅
值春杪日談恨易夕夜坐忽及曉苑花雖寂寂風絮尙
嫋嫋回首通州別屈指日不少今看兩白髮誰忍置清
醪君行秉大軸吾歌入幽渺林岑有夙愉煙蘿闌裊裊
誠無王良顧空山沒騷衷

安南歌送許給事中天錫

空同集卷十一

三

芳阡藉文韞垂楊縮鳴珂使君且勿發聽我安南歌安
南古夷隩嶺嶼蔚陂陀炎原吼象兕溟窟逐龜鼉爰自
秦漢降僭怛尋干戈天皇操化樞環海無驚波永執臣
妾禮稽首心靡他珠犀走北陸翡翠供虞羅王臣乘四
驪馱駝金盤陀朝濟白藤江暮涉富良河白日破蠻霧
銅柱孤嵯峨雕題覩漢儀芭舞何佺佺皇仁罄所宣紆
征采民哦使君聆我詞慷慨不顧家僕夫杖明鉞絳節
拂林華樓船下煙激鼓吹達海涯

李空同詩集卷十二

北郡李夢陽獻吉撰

五言古詩四十四首

乙丑除夕追往憤五百字

憶昔裝寶初皇疾輟臨仗維日白氣互黑風復排踢俄
傳天柱折忽若慈母喪帝本堯舜姿末履轉清仇斂衽
接着碩高出文景上兩宮悅孝子九廟歆流鬯毅然整
六師霹靂無前向犬羊遁朔漠鯨鯢蟄溟漲困冲不凝
壽日表空殊相蜿蜿湖中龍一夕拔驚浪回首哭蒼梧
魂斷湘南瘴念昨下明綸臣也誠無狀誓死叫閻闔伸
頸甘礎盜梁竇勢如灼漢廷色惆悵皇乃西園游召彼

空同集卷十二

一

侍供張從容杯酒閒似讓還非讓未剖青鎖封已下金
雞放臣某詎足惜統體關衰王歷數古明辟聖節疇能
尚逝欲碎臣骨顛帝不得廷攀髯眇莫及痛哭橋山葬
玉光動前星朱符闡靈貺主器難久虛勉起荅羣望金
木歎爲崇太白晝相抗羯胡敢余侮吾徒盡乘障嗚呼
榆臺役棄我六千壯踉蹌戰士骨躓跋將軍輶二豎固
輕率腐屍亦云當所恨國威辱北鄙氣懷愴鉦鼓疑皇
情何以慰宸況悽悽建未月臨門遣征將紆袴作元戎
京軍本浮宕翻使沿邊卒束手遭箠掠揭嶒雲中城誰
復扼其吭胡來風雨聲胡去橫拍唱千村與萬落入煙
莽蕩蕩嬰兒貫高槩志婦經衣桁狐狸叫破壘落日悄

澹澹此輩誠鼠竊反覆亦難量
騏驥駕鹽車虛名縛骭
麟世豈乏頗牧賤或執鞭杖瑣瑣登壇子飽之則飛颺
吁此良太枉國慨何由暢水旱而秋雷陰陽迭驕亢皇
天雖至公視之但塊塊臣當歷服始謬進大夫行退朝
實憤切欲吐畏官誦武王秉黃鉞師事太公望列聖橫
梁棟駕馭亦英匠先帝升遐日臨榻召三相

田居左生偕二李見過二首

習宦非我長官久計轉拙遭斥還田廬獲與初念協樹
藝良有期農事固堪悅飄飄緣原風鼎鼎明川月披襟
恣吾適既夏不知熱回恩行役日寒暑靡得輟疏懶古
雖鄙任性亦可說膏疇矧豐蔚積潦復淒冽白日皎在

空同集卷十二

二

茲停雲靜如結爲謝二三子努力慰衰劣

去官今七暑漸與農務親隨宜諳土性言語羣野人時
或遡微風行歌響空榛先民邈何攀慨焉傷我辰慨傷
適誰知所有二三賓文論日往來炯炯高義伸炎雨回
眾姿涼飈起修眇兀然林木下日入忘歸輪玄蟬夕益
聆去鳥一何頻野行畏多露無使侵衣巾

城南別業夏集二首

田居本自娛況兼林水情聿茲暑衣晨而與佳士并挈
楹遡芊繇臨隍弄深情娟娟浴沙鷺交文鳴枝鶯雖非
巖潭區閒曠足我營菰蒲裊寒陰隕果時自驚有室矧
伊邇遐哉謝塵縈

荷鋤侈高詠濯纓肆佳吟疇知稼穡場乃爾蒹葭侵步
風逾曾隄徙筵趁重陰於情既有託矚寓良自深透迤
波上雲征征草間禽隋臺信已古魏城方肇今驗物果
足遣杯乾聊復斟

慶都篇

於昭開帝則蕩蕩協欽文高辛初纘服大舜復升聞瞻
依太古日悵望春空雲緩策遵墟里翱翔詠放勳

帝乙

此以下三首皆爲武宗大婚而作

帝乙歸元歲滄泆降高秋白霧凌蒼壁文煙結綵樓楓
陌三公引雲衢六馬游行當瞻月馭佇想詠河洲

空同集卷十二

三

黃衢二首

黃衢會日月紫氣懸陰陽冉冉神龍下英英朱鳳翔蘭
煙凝玉閣桂月滿金堂禮先歆九廟德已合無疆
桂宮新降馭蠶室爛生氛曳綈成漢業采葛相周文會
奉重輪日先瞻五色雲秋明天路夕瑞雨碧氤氳

十二月朔日

積陰凌紫極玄霧暗三辰黃龍游帝時萬乘若浮雲六
蚪何蚴蟻雜沓走天神明王熙庶載至敬達郊禋玉輦
親牛豕重瞳注鹿羣精誠先百物咸德屆犧人揚鑿同
御道九宇冀陽春

夏歌

積潦溢廣澤炎雲翳崇臺玉階履綦絕紫殿生莓苔螢
流疏竹靜風動綵幃開佳期悵千里竟夕以徘徊

湘妃怨湘妃怨 湘妃怨 湘妃怨 湘妃怨 湘妃怨

采蘭湘北沚寒木澗南潯淶水含瑤彩微風託玉音雲
起蒼梧夕日落洞庭陰不知篔竹苦惟見淚斑深

春曲春曲 春曲 春曲 春曲 春曲

萋萋百尺臺南臨大道開月明珠箔捲塵暗寶車來豪
雄五都俠意氣萬人摧帶醉穿林徑垂鞭拂閣梅

結客少年場行結客少年場行 結客少年場行 結客少年場行

鐙如列宿行月似九秋霜番番七貴兒燦燦五侯郎雜
沓凌香陌徘徊競夕光各攜萬金劔結客少年場

空同集卷十二

四

香香香俠客行香香香俠客行 香香香俠客行 香香香俠客行

幽并豪俠地燕趙稱悲歌千金市駿馬萬里向交河公
卿贈寶劔君王賜玉戈捐軀赴國難常令海不波

從軍行從軍行 從軍行 從軍行 從軍行 從軍行

棄家從上將報主埽胡戎弩滿常隨月旗翻數起風右
指昆邪盡左盼月支空馳名紫塞外開府玉關東不逢

百戰日誰識萬夫雄百戰日誰識萬夫雄 百戰日誰識萬夫雄

出塞曲出塞曲 出塞曲 出塞曲 出塞曲 出塞曲

單于寇邊城漢將列長營旌旗蔽山谷鉦鼓晝夜鳴乘
我浮雲騎毅我明月弓奇兵左右出長驅向雲中彭彭
陣結虎颯颯浮虹一戰皋蘭滅再戰沙漠空歸來獻

天子長揖不言功

銅雀伎

帷飄雀臺上絃奏舞衣前羣悲一以望春草爲誰妍芳
歲銷蘭怨流塵集錦筵爲問西陵道孰與漢家阡

漳津夕眺

揚舲亂北渚靡蓋望西陵帳殿牛羊下歌臺麋鹿升日
夕松柏路蕭蕭響風樹連沙改故浦空山沒蒼戍徘徊
望霸氣鄴城在何處

呂仙祠

孤游逢呂蹟永逝感盧生眷彼炊梁術契我遺世情蒼
山故國道落日邯鄲城陰陰祠宇夕宛宛曲池清不見
空同集卷十二
五
金芝侶誰聞朱鳳聲田鼉穴桂壁野葛蔓松楹寧知往
來者不是麻中行

三月河上宴集

觸霽邁芳坳修被臨長泊雖非曲觴飲聊異秉蘭戲波
延拾翠舸岸匝尋青騎羽爵戀馳景鸞簫劇春思羣謠
狎鳧鴈撫適懽同志亦以擴凡超流連豈吾事

詠樂溪

濯足荒溪口延望大江潯石樹環碧綵泉潭生翠陰經
互涉清漣沿澗登素岑日暮樵響絕但聞山水音鴻鴈
遵渚飛麋鹿聚空林而子豈不樂其如兼善心

贈劉主事元瑞二首

駕舟越洪川飄風揚其波白日不可駐浮雲一何多
騫芳涉北沚采蟲陟南阿悵我平生友傷此欲如何
濛濛孤舟夕橫笛坐煙浦秋綠被汀沙落鴈不可數
烈調千行雲激商復流羽曲竟和者誰佳人淚如雨

湘江吟

對酒歌綠綺歲宴懷佳人山寒翠袖薄微霰沾衣巾
空持紫鸞簫欲致愁無因日暮湘江曲浩蕩煙波春

春曲五首

維南有曾城下瞰梁王臺雄構翳雲日歌鐘暮徘徊
芳草徧舊畿山川邈悠哉

春城花煙滿杳靄生夕陰白馬繫芳樹繡袂彈鳴琴
襜褕

空同集卷十二

六

蒲少年子一擲千黃金

綺閣俯通闌後有百尺樓並坐紫羅茵雙引青玉甌
楊花起薄暮慘慘縈芳洲

菁菁豔陽月鬱鬱美人思游絲罥白日炯若春風姿
零落垂手舞空傳白紵詞

借問美人居云住城東隅背有桃李館前臨車馬衢
十三妙歌舞十五冠名姝

朔日

朔日悲風起空除落葉平猶聞砧杵急已復剪刀鳴
一夜傳霜箭黃雲滿塞城

槿樹

槿樹依空砌寒時尚著花未能堪暮色徒自絢朝霞寄
語閨中女無多鏡裏華

槿園

槿園秋氣夕唧唧寒蟄聚風回嗚欲斷月落歸何處爰
悲在堂吟復詠山樞句感爾中夜興微霜下庭樹

春情

俗縈一何縣駕言春已分綠郊鮮行輪朱樹花將紛鳴
鴈起前墟浮陽藹東濱徙倚孤臺側佇回送征雲

游寺

褊心儔輩寡幽境每苔步縣鬱倚磴歇馮孤眺迴屢洞
塔陰古宇芬蘿裊澄樹佇觀野禽哺此外豈吾慮

空同集卷十二

七

昇天行

市居苦煩溽陸暑懷清波緬思溪壑側丹崖卷曾阿仙
人桂樹下窈窕攀青蘿我獨塵歎內營營欲如何

春游篇

古臺悲帝子歌吹餘春愁草綠夷梁野雲浮河海流擊
壺詠四澤鼓鐘眺三洲攀條已無那駕言誰倦游

四清篇

盤松屹當戶修筠靜依檻羈遠桐絲濕蕭瑟鶴思減歸
傷園塢廢坐令荒穢斬彈曲憩疏蔭皋唳清露湛

正德四年七夕上方寺作

逸人厭囂俗達士樂閒勝乃茲城中林而非車馬徑積

雨豁新霽雲石掩秋映微陽下孤塔潦水夾明鏡已疑
塵寰隔况觀蓮方淨豈惟慕真覺亦以叩詮證玄蟬共
西夕浮雲本無定

戊寅早春上方寺

逾年罔涉茲過之門巷疑匪畏霜露辰肯與春事期徑
蘭芊故叢苑松發新粧陟丘念廢居升危眺回漪抱以
幽曠豁情緣悽愴移驚風遞虛塔振振空廊悲得遣復
安較勞生良爾噉

山中雨夕集上方寺辛巳春

晨飈奮以厲夕林回晏溫郊游悵伊阻駕言乃松門春
湖靜瑤宇塔蘿裊清樽遙睇被原草近蹇臨水蓀花雨

空同集卷十二

八

時自落法雲凝復奔淹雷遲寶月破此人徑昏

山中

山中雨乍歇一夜瑤草長風吹翠巖竹下應石瀨響時
來展書坐悠悠絕塵想

置薪

讀書古木陰置薪倚其根露零石徑滑雲起溪日昏白
虎啟窺觀金馬開高門君自薄簪紱難稱國未恩

九潭詩

岩岩千仞嶺下有百尺潭夕風起微瀾波波動晴嵐俯
之鑿我心佇翫雲波涵流蕤颺寒清躍魚手可探蹊暝
樵響歇猿鳥來相參寄語泥中物長蟠恐未堪

李空同詩集卷十二終

空同集卷十二

九



李空同詩集卷十三

北海李夢陽獻吉撰

五言古詩四十三首

登東城樓晚下樓作贈同游數子二首

登高散涼目隕然日云暮消暑良已厭戀景復延顧廣
野起暝色層闌合昏霧眷言樓中客共此城上步蚊蟲
撲面游蝙蝠時自度二儀但莽莽一氣黯回互晝夜本
定理明晦非難悟日入各言息鐘鳴復馳驚齒萃宋帝
閣突兀信陵墓往似宿沙禽來如綴花露徙倚千仞梯
長謠發悲慄

盛陽麗樓臺爛如錦繡錯日入暝煙起俯視但冥漠卽

空同集卷十三

一

此悟人理天道固可度動靜啟晦明代謝有今昨涼飈
逐夕興回聲滿虛閣四顧水明滅宿鳥喧相索啞啞嗥
城烏噉噉上雲鶴怵怵感晨暮徙倚罷觴酌北斗忽復
低西月隱長薄閃爍海光動翕沓氛霧廓無恃黑頭在
早定滄洲約

寄贈端溪子二首

歎鳳世已遠悲麟竟何爲蘭蕙祕幽巖蕭艾盈路岐君
子抱明德傷也誰復知隨流非我心特立乃見疑亭亭
南山松匪無霜霰摧寒蕤但不改孤負常自持

智者尚高契達人慕希聲曠世有相感同時悵難并烈
風起玄朔百卉忽以零登高望所思慨焉念徂征鴻鴈

序翅飛麋鹿呦呦鳴爲言明馨子益簪終有成

贈蒼谷子

玄雲翳白日積陰何漫漫風氣日以淒泥雨常不乾漂
穉委川塗百卉良可歎覽物懷伊人撫時悲涼寒憂來
如亂絲理之棼無端爲霜念逝鵲多露怨芳蘭所嗟聲
影隔匪懼馨香殘徒把瑤華音長謠望林巒

贈青石子二首

高鳥有違羣離獸多悲音懿彼婉嬾子悵焉分此襟朝
發南河隅夕暮乃北岑玄雲旣無極黃波浩且深君其
四海翔無言還舊林

季秋凋羣木寒潦濫中軌笳鼓濟方舟軒車匝河涘攀

空同集卷十三

二

德惜遙邁悵分睇馳晷采蘭徒情結把菊爲誰美願子
厚衣襦霜露自茲始

贈劉潛

人生無常因飄如風中雲昔別大江隅今也長江濱涼
飈起霜夕隕葉何紛紛我菊有佳色毅然獨芳芬遲速
良有時勉哉樹高勳

贈崔子

鯤魚游北溟鳳鳥翔南涯扶搖非無運鳴逝自有期顯
夫競鐘鼎遁士潛蒿藜駟馬豈不榮泉石安且怡悠悠
西山人匪爲薇蕨飢寄言青雲客策勳及今茲

贈孫生

古人種桃李不爲蹇其花君子振英芳豈在文與華炎
陽赫晴彩百卉流丹霞贊彼東園實纍纍一何嘉采者
自成蹊舉世徒咨嗟

贈王生二首

鳳鳥世希有眾人常見疑一朝下西周戛焉鳴高岐光
彩照四極觀者驚以咨神物恥自銜卑鄙甘見欺驥馬
匪伯樂鹽車空號悲燧燧豐城劍非華誰固知
伯牙違鍾期有琴不復彈茲意奚以取良爲知音難得
失有榮枯合離成怨懼黃鵠戾天雲玄鴻漸河干淺夫
貴多矜狹士賤自殘幸子固明志顯塞察所安

贈崔生

空同集卷十三

三

伊昔振我衣連步千仞岡巖谷窈疑阻歧徑回羊腸與
者咸莫從子也乃同行舉手撼天樞縱目攬大洋星斗
何歷歷海波浩茫茫登山貴及顛涉水非無航願言窮
高深念哉母相忘

贈魏子二首

霖潦久迺歇晨興送還輶野寒泥淖盛念茲途路修人
生苟相許豈必曾綢繆脚躡東路岐贈子雙吳鉤
八月浙潮滿念子鼓南楫海月團會峯山風下江葉里
閩多宴娛仕宦有榮業早回北向轅晝日望三接

三士篇贈醫李鄭張

嚴飈厲時威槁葉下榮木春風一以敷病草奄回綠天

道豈常肅人事有還復七情既吾賊六淫乃爲殞農經
發玄旨軒問擴英馥代殊理易昧行乖計相逐陳菱抱
緜息寒根蘊眞育李生起專門鄭子振空谷張也剖金
匱奏效更神速飲橘祗自銜種杏亦可恧誦我三士篇
聊以助清穆

飛閣寺游別熊子四首

天地固常爾遇之情不同但看搖夏樹何似飛秋蓬古
來怨離人豈必窮與通默默兩無語坐披琳殿風
夕風起涼閣入耳松撼撼當此佳勝區誰忍遽離析檐
鶴戛戛鳴蘿翠滿衣席異時冠蓋場儻憶幽賞蹟
散眸七寶地觴爾孤雲臺一望碧雲合四面清風來流
影盪我前炎樹生秋哀一笑問天地劫灰安在哉
獨立臺上閣俯茲城下湖爲問黃金魚徑尺今有無愚
者人盡笑賢之乃謫誣二者吾適從不如乘海桴

空同集卷十三

四

甲申中秋寄陽明子

風林秋色靜獨坐上清月眷茲千里共眇焉望吳越窈
窕陽明洞律兀芙蓉闕可望不可卽江濤滾山雪

贈李世德

豢畜不生麟鸞穴無鷓鴣求水貴求源佳木無惡條李
門世清修三輩燧雄超黃扉早殺翮中葉乃淪凋生也
困逾勵奮飛竟雲霄大鈞幹神化萬物隨生消英英晚
中蕙化爲艾與蕭願堅謀始心全我金石要

寄贈玉溪子

松檜不棲蟬熊皮不上蟻秉性死不易斯足驗人理苟
投信若飴義交固如水如水退則思若飴背乃毀悠悠
徂暑月眷眷念君子霍雲停復飛汾水蕩而駛山西回
夕陽皎如觀光美徒操孤絕絃歎息竟何以

初秋上方寺別鄭生

勝地亮常爾佳士難屢并未窮結駟游遠復揚帆行古
林鬱城隅石門敞幽清趁風選濃蔭布席觴羣英竹涼
時自來殘暑驕未平戒飲今二暮爲子杯一傾義投不
在故迹遠心自縈念茲徘徊意時哉樹嘉名

贈鄭生三首

空同集卷十三

五

杪秋木葉脫霜露告成歲驅車遡寒郊觸物念征邁戒
舟有程日維駒阻心愛所幸旦暮雷前途或風瀨
伊予解組歸汝也美少年駿馬臂兩弓射獵梁王川感
子重意氣授之黃金鞭萬里不易致悲鳴爲誰前
英英百尋木時至乃黃落楚楚青俊郎還家鬢蕭索桂
樹寒正榮溪魚白而躍山行采瑤草寄我長生藥

寄程生

河日淡莽莽飄風但塵沙陰陽爲誰爭時至枯亦葩念
離傷歲窮懷音怨途賒彼美杳何許孤吟弄瑤華夜攬
海門月晨吸波上霞苦心誰固知延望長自嗟浦鴈回
故翼汀蘭茁新芽無負汴上約梁園多奇花

莊上晚歸車阻于潦渠徒步始達于岸
暮醉各言歸風起草獵獵潢潦溢中軌車至不可涉野
黑徑復曲魚貫踵相躡良懼蒼耳窟重爲蜥蜴怯童穉
行我先溝塍負而躡世路本夷崮人情有驚怙閒素輕
波濤臨川想維楫履坦合自咎長吟詠匏葉

山夜

孤月上東岫白鶴激秋唳涼風振溪壑林影颯搖曳山
居本深靜夜氣復澄霽冥心向千古眇焉託眞契

蒸熱三子過我東莊

林凋午不歇日毒土色赤鬱言森密裏時華媚深碧三
人者胡來無乃不速客黃公蒼鬢髯二生

鄭生作程生語

空同集卷十三

六

哲入蔭齊解帶對酒各岸幘籬萱挺其秀檻果垂易摘
無言豈爲默有形忘所役杯乾時一斟遽復至西夕

田園雜詩五首

朝陽曖秋木凝露未卽晞翩翩啄榴鶯自驚集復飛眾
穉旣登載我事亦漸稀晨興坐東牖兀然對紅薇噉噉
一白鶴北逝將疇依忍茲稻梁辰而汝甘長飢

大車行棘棘小車響額仄隨分各有營急者稼與穡日
出在田野日入未遑息長陰下西夕蕭颯起寒色雲霞
變彩氣照我桑麻國立看勞者歸露濡徑不溼

野清雲氣滿場功亦云畢收穫雖有殊大小各盈室感
茲狼戾年追念憂苦日紛然噴其籃妻子孰遑佚歲工

借寒熱人事坐勞逸蕭蕭原野霜何草不垂實
壯時掉塵鞅老乃卽農務值茲田事終怛然感霜露原
萋日以斂林華不守故嚴霜淨游氣翔鶴在天路鷄雀
躍蓬蒿啄食不滿嗉而予竟何言飯牛髮今素
田居亦安娛患者寡朋仇農談或時歇仰視蒼雲流青
衿者誰子道言卽我謀開尊面圃場剝棗充盤羞物小
意固勤觴旣情仍畱晶晶遠天色秋暘下林丘

秋詩二首

百卉淒以腓游行散我矚夕風一何瑟入園乃華馥菊
也紛其英修篁積寒綠人生匪金鐵榮落譬草木罄折
者誰子誓死日爭逐賢貴與賤愚滅去孰還復鳥雀各
有安無爲智者辱
北風胡鴈急小禽亦南飛輕俠羣少年求伺爭有爲弋
彈無遺木畢施在中逵百發不一獲用心良足嗤黃雀
墮計中嗚咷如得依白鵠舉雲漢覽之心內悲小大有
分量瑣瑣豈知微

詠鷺

天風下厲霜海色清嚴冬朱鳥逝云遠玄禽眇焉蹤翩
翩委波羽鳴飛何雍雍去若雪毳散來疑玉梭從回旋
淥蒲漪映照青蓮峯戲滓不染潔浴湜轉丰茸羣起若
避驚孤立如有慵孔言崇九思周歌羨斯容我客亮多
憚君子良冲澗亦應懼鳧鴈幸少寬鱗鱗保爾貞素姿

儻附春濤龍

贈梅國子

烈士有心許佳人重情歡投義旣不易識者良獨難清
秋理瑤瑟爲君發高彈一曲未云亂仰視孤鴻翻一舉
狹千里再舉青雲端我欲從之逝羽短才力單聲影中
藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾君
本觀海人揚旆向東道高步登岱巔橫覽盡洲島匪云
波水浩祇見眾山小孔林秋颺入漂擗委寒草明禋展
躬謁蕪駢爲涓壻

空同集卷十三

八

雨復往視田園同田熊二子二首

鳥性悅儔匹人情豈無慕亟見不云數獨行必相呼去聲
昨有城上眺今復郭南步膏雨回原綠豐林宿殘霧久
蕪慨我廬旱水雨妨誤夏禾旣岑漠秋秫庶能穫釀具
粗已足念子有長路

雨歎自有期歲功詎云差昨來偶滂沱萬物皆顏華晴
晨子見過毅然巾我車荒徑蹠轍稀澤國踈桑麻長風
起修林夕響連兼葭芄芄南山頭離離東陵瓜懷古看
行雲矯首徒咨嗟

李空同詩集卷十三終

李空同詩集卷十四

北郡李夢陽獻吉撰

七言歌行四十首

桂巖行

白龍不識漁溪惡化爲魚服遭人縛黃髮先生困泥阻
白馬小兒氣揮霍道傍朽木藏蛟龍霹靂猶聞夜火紅
寄謝少年諸數公貧賤豈必皆愚蒙桂巖紫芝春盡發
騎驢且覓商山翁

崖松行

峭石從籠木相樛孤松拄日崖光幽朔風北來霜雪暗
山深草黃途路修此時亭亭見松意排空柯榦流雲氣
大廈傾時梁棟急君看此物終難棄

空同集卷十四

一

丹穴行哀丘翁

丘名琥號松山夷門隱人也

北風颯颯吹丹穴幽篁梧樹寒蕭屑孤鳳威垂眼流血
蘭陽丘公昨謝世使我杯乾已數月出門騎馬向誰適
世事悠悠忍能說薄俗踰趨始爲敬老夫平生性懶拙
後生譏訕轉多口白壁青蠅從點缺宋門汪隆頗好事
見我握手肝肺熱近亦客死臨清州北望傷心路途絕
可憐親友日零散老成耆舊灰燼滅不爭汝曹灰燼滅
又值天寒地欲裂

苦寒行

前日雪落傷麥根北風刮地天色昏沙飛石走拔大樹
雪積林坳出無路城中死者不知數我歸三年河不凍
今年冰堅車可渡觸面慄慄厚地裂四顧乾坤莽明滅
尺薪粒米貴如玉君不見日晚空牆貧士哭

夜行歌

月輪未安光已皎我行夜出夷梁道力疲足酸隄上坐
黃狐怒立嗥向我宋家宮殿盡瓦礫陂湖燒鹽焰婀娜
忽憶東京全盛時月行對此誰能那

古白楊行

百泉東岸三古楊下枝掃拂書院牆上枝瑟颯千穹蒼
空山野陰雷雨黑柯榦冥冥動山壁翦伐難爲棟梁用

空同集卷十四

二

盤踞番逃斧斤厄但見白日悲風發寧知六月撐霜雪
煙色慘愴精靈聚孤根倔強源泉裂憶昨訪古憇其下
居人不敢畱車馬落穉尙禁牛羊食汙穢頗遭縣官打
丞相古柏霹靂碎將軍大樹空蕭灑岡頭石路莎草長
孫邵李許同一堂春風漂泊予到此不見古人惟古楊
古楊蕭蕭暮流急波翻浪倒蛟龍泣衛女幽憂拾錦花
逋臣寂寞愁難立君不見太行羊腸莫比數上有毒蛇
下猛虎樵斤獵火不虛日桂柏椅桐氣悽苦嗚呼楊兮
楊兮爾何盤根據茲土

泉上雜歌二首

游子樂游復長嘆臨深坐歌白石爛石泉漠漠常東流

我今胡爲坐泉頭渚花冥冥野陰薄谿日杲杲蒼雲愁
君不見古來爭戰地山寒雪暮風颼颼

美人被服貂襜褕春日游行春水曲綠蘿無煙山雪暝
叩石長歌嘆幽獨撥刺紅鱗錦湍游我欲釣之且復休
金盤玉箸在何許爲爾臨淵淚如雨

自從行

自從天傾西北頭天下之水皆東流若言世事無顛倒
竊鉤者誅竊國侯君不見奸雄惡少椎肥牛董生著書
番見收鴻鵠不如黃雀啁盜跖之徒笑孔丘我今何言
君且休

大梁城西門行

空同集卷十四

三

水門隄口雙柏樹種之何年不記數風餐雨蝕生氣微
枝葉半凋委官路烏鴉螻蟻復啄食我行見之淚如注
古來根本忌先撥嗚呼柰此棟梁具及今可爲當語誰
半夜吞聲向北去

羈旅翁行

自焚闕里手植檜天下斯文忽墜地錦衣使者日旁午
青衿胄子時流涕霾風翩翩起白旒五月黃塵暗天際
君不見河上羈旅翁時乖此老遭拘紲

寶刀篇

我有吳王雙寶刀龍鱗雪花爛照地奉君清宴可君意
佩之十年不曾離黃金鞶帶白玉鉤出入魍魎魑魅愁

功高見疑反遭怒此物拋擲今兩秋丈夫生世軼軻亦
如此終日戚戚何爲爾

秋夜嘆二首

君不見梁上蝠飛走掠蠅蟲蠅蟲四散不受掠而我胡
狂縲縲中豈卽運命委霜雪要知腐草生華風沈吟徹
夜不能寐此時天風雨將至但聞蟲聲啾啾復唧唧鴻
鴈嗷嗷念南北

臭蟲多足蚊有翅當我眠時忽而至憤悶披衣坐嘆息
竟夜搔爬無氣力寒霖蕭蕭響荆棘君不見吹燈無煙
四壁暗野狐跳梁鬼啾唧

思歸引

空同集卷十四

四

疾風吹寒破南極凍雨濺灑山樹黑天昏歲暮百憂併
中夜悲歌淚沾臆起視眾星白爛爛我今胡爲在長安
思歸路阻多苦寒嗷嗷何處失羣鴈翅溼高飛嗟汝難

歸來行

天下儒冠豈盡誤迂謬棄捐仍道路九月江山凍煙霧
百年裘馬衝霜露窮達自知休怨天歸來且種東陵田
齒過四九已不小釣魚獵兔亦得飽

弘治甲子屆我初度追念往事死生骨肉愴然
動懷擬杜七歌用抒憤抱云耳

吁嗟我生三十三我今十年父不見濁涇日寒關塞黑
杳杳松楸隔秦甸梁王賓客昔全盛我父優游誰不羨

當時攜我登朱門舞嬌歌媵爭看面二十年前一回首
往事凋零淚如霰嗚呼一歌兮歌一發北風爲我號冬
月

母之生我日初赫缺突無煙榻無席是時家難金鐵鳴
倉皇抱子走且匿艾當灼臍無處乞鄰里相弔失顏色
男兒有親生不封萬鍾於我乎何益高天蒼蒼白日凍
今辰何辰夕何夕嗚呼二歌兮歌思長吾親儼在孤兒
傍

有弟有弟青雲姿以兄爲友兼爲師十五徧探古人籍
十九不作今人詩從兄翱翔潞河側蜜料爲殤返鄉域
孤墳寂寞崔橋西渺渺游魂泣寒食嗚呼三歌兮歌轉

空同集卷十四

五

烈汝雖抱女祀終絕

有姊有姊天一方風蓬搖轉思故鄉歲收秫秉不盈百
男號女嘯常在旁黃鳥飛來啄屋角碩鼠啣啣宵近牀
淇河鬪蛟波浪怒我欲濟之難爲梁嗚呼四歌兮歌四
闕我本與爾同肉血

古城十家九家空有姊有姊城之中峭壑直下五千尺
鷄鳴汲回山日紅犁鋤縱健把豈得病姑垂白雙耳聾
小孤癡蠢大孤情霜閨夜夜悲回風嗚呼五歌兮歌五
轉寒崖吹律何時變

冰河蜿蜒雪爲岸忽得鯉魚長尺半剖之中有元方書
許我是月來相看臘寒歲窮多烈風日暮高樓眼空斷

梁都北來道如砥熟馬輻輪爲誰絆嗚呼六歌兮歌未
極原鴝爲我無顏色

大丈夫生不得志居人下低頭靦面何爲者薄祿不救諸
親飢壯志羞稱萬間廈東華輶塵十丈紅入擁簿書出
鞍馬王門好竿不好瑟何如歸樵孟諸野嗚呼七歌兮
歌思停極目南山空翠屏

解酒行

都昌縣南乾沙上射鴈者誰三五羣氈帽紅裘黃戰裙
云是解酒官達軍沙下北風吹艦旗邊軍權喜家軍悲
朝廷日夜望俘至雪凍酒船猶住茲縣官逃走驛官嗿
要錢勒酒仍要鷄姚源遺孽尙反覆爾曹不得誇遼西

空同集卷十四

六

西來行

冬廿六日十二月西來泛湖雨明滅雨寒著樹盡成雪
天波靄霏路幽絕鴝鵒禿鷺立如人銜魚避船偷眼噴
天開獵夫會尋汝乘時早可收其身

飛蟻嘆

李子官江西時觀事感心作飛蟻嘆暨西來行

也

今朝天光鳥鳴喚草萋柳長江渙渙怪爾飛蟻何爛漫
填門撲窗坐我案夜來不虞風驟至屋瓦吹飛船打岸
孤城晦冥霏霏雨前叫鴝鵒後鵲鶴共言此崇飛蟻爲
我欲擊之還復嘆明明上天非無宰蟻也瑣細何須算

災祥感召固其理先時苟備終無患君不聞漢家滿堂
客不貴徒薪貴焦爛

土兵行

豫章城樓飢啄烏黃狐跳跟追赤狐北風北來江怒湧
土兵攫人人叫呼城外之民徙城內塵埃不見章江途
花裙蠻奴逐婦女白奪釵環換酒沽父老向前語蠻奴
慎勿橫行王法誅華林姚源諸賊徒金帛子女山不如
汝能破之惟汝欲犒賞有酒牛羊豬大者陞官佩綬趨
蠻奴怒言萬里入爾都爾生我生屠我屠勁弓毒矢莫
敢何意氣似欲無彭湖彭湖翩翩飄白旗輕舸蔽水陸
走車黃雲卷地春草死烈火誰分瓦與珠寒崖日月豈
盡照大邦鬼魅難久居天下有道四夷守此輩可使亦
可虞何況土官妻妾俱美酒大肉吹笙竽

癸酉生日

廬山臘日地凍裂白猿鹿鹿嘒深雪臥病松林北岸湖
黃蒿古阪行人絕已今行年四十二我辰安在百憂結
小孫呼爺戲牀側縱惱忍能卽嘖說

豆莖行

昨當大風吹雪過湖船無數冰打破冰驤崑崙山嶽立
行人駭觀淚交墮景泰年間一文雪父老見之無此禍
鄱陽十路斷截廬山百姓嘒寒餓旌竿凍折輦鼓啞
浙軍楚軍袖手坐將軍兵部蔽江下飛報沿江催豆莖

邑官號呼手足跛馬驟鷄犬遺眠臥前時邊達三千軍
伍箇病熱死兩箇彎弓值凍不敢發昔何猛毅今何懦
李郭鄴城圍不下衰度淮西手可唾從來強弱不限域
任人豈論小與大當衢寡婦攜兒哭秋禾枯槁春難播
縱健徵科何自出大兒牽羶陸挽馱

餘干行

荒濱鷓立夕唳鵲春行緣岸竹木枯黃蒿破屋走白狐
東至信州西鄱湖男兒輸粟婦刈芻問誰爲此軍前須
去年冰雪十丈餘凋瘵至今猶未蘇姚源帶甲已數萬
巖於莫展金僕姑近聞殺官兵復北道路喧傳真有無
安能飛刀取賊顛貂裘白馬還京都

空同集卷十四

八

又魚行

漢江七月黃水漲男婦又魚立江上岸斜波緊煦泡轉
千人目側精相向巧者十又五又中血飛銀尺翻金浪
鰠魚中又獨更穩頓之泥沙半倔強我舟其時行邁此
仰視皇天色惆悵深山藥苗熟流汝一毒江河萬形喪
鯨鯢糜爛不直錢小瑣暴棄同蚺螻走鯢吞泓若山滾
蹴踏猶能開浩蕩渡子徒誇好身手如飛快槩誰曾傍
夜風大聲吼盤渦地坼瀕洞底鼉鼉如饗之蛟手可得
蛇龍豈復安巢窩消息定理魚奈何

襄陽歌四首

烈風夜行峴山道天陰城空鬼鳴嘯兼葭委折波濤白

通濟橋頭老鷓鴣，人言黃昏虎搏牛。牛虎兩傷歸各憂，
萬事豈爾能前謀。不如置之寬，且休君不見百足之蟲，
光如虹雷火燒死枯樹中。

峴石巉巖孤根深，下盤厚土雲氣陰。中有千萬窟，突如
風來遇之如笙琴。昨當醉狂推撼此天地，忽然爲之動。
山鳴鬼哭百獸吟，我時便欲驅使六丁移之去。家遙屋
卑無頓處於乎一石，且無頓處徘徊歸來日沈樹。

襄陽山勢何所似，東如翥鳳西虎蹲。墓堆纍纍不空地，
於中豈少英雄魂。大隄先前花豔時，朱樓細柳黃金羈。
但看舊園歌舞處，掘發金釵知是誰。君今有酒不飲，恨
不駟馬軒車馳縱及金張。許史將焉爲身後埋沒蒿草。

疇見知

空同集卷十四

九

昨來三日雨不住，逢人面色如地皮。老龍之隄豈易打，
襄陽難是養魚池。南倒江勢雖洶湧，我隄如山撼不動。
但慮禍患起細微，丁寧疆吏防螻孔。我聞斯地連年乖，
雨暘二麥乾死秋禾傷。眾心詢詢久未定，小兒何得跳
商羊。天公好生民壽康。

苦雨篇

波濤日陷蛙鳴起，梁園一夜滿城水。屋廬半塌塌人死，
可憐哭聲水聲裏。憶昨出飲黃昏歸零濛，已灑力尙微。
豈知中宵鬼神怒，雷翻電滾雨如注。我時怵惕不得眠，
窗鐙撲殺無計燃。洶湧一任霹靂走，恍惚若有蛟龍纏。

地軸震仄久益急披衣起坐必復立鷄鳴氣勢幸稍緩
積漸天明日光入琴沾書溼隔我堂二儀高下雲低昂
黃鸝曬翅燕語梁前何恐懼今何康萬事夷險誰豫量
及時弗樂頭顱蒼

苦雨後篇

小兒嚙啞始學語育之後屋逢今雨包裹移置夜我旁
兒驚屢叫安之乳雲雷號號屋瓦震疾電繞牀亂走鼠
大兒明農隔城住卽有緩急誰視汝旦日報至心則降
雨未傷人傷稷黍前時三月點雨無大兒憂色禾半枯
日日望雨雨反荼盪然畝畝爲江湖天晴微風波水動
溝渠四注長河湧明晦反覆何代無囑兒更備宜秋種

空同集卷十四

十

久雨柬黃子

微晴見月月仰瓦城中水淹雨猶下郊園浹旬不一出
不畏衝泥畏沒馬苔蘚自上匡氏壁蓬蒿日深仲蔚舍
人言甲子船入市幸君豫問能舟者

初雨夏甲子也

種竹

自從有竹水爛死使我竟日顏不歡頃來移置復傍此
遽覺六月回秋寒龍姿鳳苞生不易可憐蕪沒今人棄
窈窕郊園草樹中何人道有凌雲器

放蛇引

花蛇錯落五色備毀垣掘出蛇驚悸昂頭宛頸若有訴
盤旋瞥振如奔避深山大澤豈無窟荒郊短草真何意

豺虎公然白晝行
花蛇何得更縱橫
祇知毒口能戕物
未解皇天實好生
洪流自古容微細
吾叱園丁縱蛇逝
風驅雷霆急雨過
彩虹倒挂青天霽

空同集卷十四

十一

李空同詩集卷十四終

李空同詩集卷十五

北郡李夢陽獻吉撰

七言歌行四十首

送何舍人齋詔南紀諸鎮

先皇乘龍去不返悲風慘淡吹宸極四海哭若喪慈母
百官狂走天爲黑憶昨臨危坐御牀手挈神器歸今皇
密語丁寧肺腑裂三老親聞眼流血金滕立剖石室祕
此事難從外人說我君謙讓不可得割哀踐阼弘祖烈
日月重懸萬國朝雷雨赦過羣方悅越南海北霹靂動
蠻夷盡奉王正月此時九道使臣出舍人亦輟螭頭筆
白馬朝騰薊北雲錦帆暮閃江沱日江沱秋交多裂風
洞庭雲夢俱眼空巴陵縣令舍人兄接詔會弟西樓中
童年題詩在高壁六載不到紗爲籠南嶽以南惟峻山
苦蒸毒霧何盤盤天王新令雷電掣妖蛇不敢嘍林端
五溪官長喘喙拜黔州父老垂淚看卻瞻蒼梧雲氣黑
斑竹臨江怨幽色翠華縹緲空冥間此時此恨誰知得
君不見馬援柱孔明碑剝落黃蒿裏千年莓苔待君洗
萬里之行自此始歸來何以獻天子

上元訪杜鍊師

宣皇昔時乘八風御龍遊戲行煙空馬前兩兩侍玉女
別館多在蓬萊宮朝天宮中舊時殿樓臺畫鎖無人見
琉璃井塌青苔滿松柏森森月如練嗚呼往事難具陳

鐙火如山又一春
北斗壇西訪隱淪
我師黃衫白纓巾
坐我更致西樓賓
玉杯漱灑赤瑪瑙
織罽四角銀麒麟
酒肉山堆滿堂醉
仙廚往往來八珍
孝宗之朝五真人
師也磊落當其倫
自言召見親賜食
曾把丹書獻紫宸
如今寂寞看春色
銀魚玉帶無消息
豈惟魚帶無消息
欲語吞聲淚沾臆
勸師對此莫酸辛
世間萬事如轉輪
且將芝草供生計
聊與煙霞作主人
月徧彩雲當牖生
旋呼兩童吹玉笙
聞師妙得逡巡術
百壺倒盡還須傾
古來仙子尚誰狂
飲者翻垂千載名
垂千載亦區區
酒闌鐙昏夜復徂
不見秦陵草已宿
春生樹嘯雙老烏
此時亦應羣帝趨
金鐙翠旗光有無

空同集卷十五

二

奉送大司馬劉公歸東山草堂歌

東山有草堂縹緲雲嶠孤
前對祝融峯下瞰巴陵湖
明公昔時此堂居麋鹿熊豕
當窗趨洞庭日落風浪湧
倒影射堂堂欲動慘淡誰聞
紫芝曲獨善不救蒼生哭
先帝親裁五色詔老臣曾受
三朝祿此時邊徼多戰聲
曳履謁帝登承明謝安笑卻
淮淝敵魏相坐測單于兵
九重移榻數召見夾城日高
未下殿英謀密語人不知
左右微聞至尊羨自從龍去
不可攀公亦臥病思東山
湘娥含笑倚竹立山鬼窈窕
堂之側上書苦死只欲歸聖
旨優容意悽惻內府盤螭縷
金織賜出傾朝皆動色白
金之鋌紅票記寶鈔生硬鴉
翎黑崇文城門水雲白是

日觀者塗路塞城中冠蓋盡追送塵埃不見長安陌人
生富貴豈有極男兒要在能死國不爾抽身早亦得君
不見漢二疏千載想慕傳畫圖卽如草堂何處無祿食
覩竊胡爲乎乃知我公眞丈夫嗚呼乃知我公眞丈夫
二月四日部署宴餞徐顧二子

春日載陽官署幽東吳二子過我游庭空日斜吏人散
窅然何異經林丘今晨驚蟄暖氣達昨夜哀鴻呼故儔
中庭古槐蒼蘚溷上有百鳥何啁啾倉庚交交刷其羽
君看巨細各有求明時冠軒幾邂逅得暇胡不攀淹留
自從去年識徐顧令我意氣傾南州徐郎近買洞庭梅
顧子亦具錢唐舟浮生飄蕩若飛藿倏忽聚散誰能謀
風光爛漫況復爾願寫清壺銷客憂故人苦稱不好飲
舉杯入脣還復休妙歌時時激慷慨鄙夫何以荅綢繆
嚴柝沈沈靜夜色北斗倒挂城南樓祇恐天明驅馬出
攬袂延望河之洲

七峯歌壽范郎中淵

我聞桂陽江上峯平地突出七芙蓉三峯岿岸如列戟
四峯裊裊翔飛龍孤水東來走其下上巖下巖惟古松
有時雲霧滿四壑洞中仙侶時相逢使君磊落中行後
家傍前峯對江口暗想精靈盤礴初嶽降生申理或有
平生氣與蒼壁高落筆煙霞常在手六載爲郎不愛身
五十生兒將白首湘南新鮭紅勝玉燕京高會多名酒

歲歲登堂娛笑歌我七峯爲爾壽

送人還關中得萬字

君不見劉毅貧時一擲常百萬君不見唐時鄭虔道高
坎墮腹無飯英雄際會各有時人生豈必皆如願關中
老翁燕薊客昔何慷慨今何怨王通無媒番叩關揚雄
有賦何由獻君歸射獵南山麓得錢且學樊侯販

寄兵備高僉事江

三月無雨乾殺麥六月雨多禾耳黑長江浪高蛟龍鬪
洶河鴻鵠唳清晝此時憐君備吳越天陰不見日與月
白衫鹽徒慣風濤我軍慎勿貪倉猝

寄內弟玉

空同集卷十五

四

自汝林居將一月我心不寧長綴綴郊寒歲暮風色苦
曠野無鄰天雨雪亟欲載酒往問子冰路難行畏踰跌
豈無輕裘與快馬玉也視之如敝幘此道如今識者稀
勸弟寬懷慎藥物

雪柬鄭生

夜來雪花如掌大無事閉門但眠臥僵牛死馬非所慮
天翻地裂疇能那近時好事最者誰徽州鄭生差愛我
甕頭春酒不餘瀝天明梳洗午尙坐北風其涼二儀閉
雪吹飛沙映天過老夫畏寒況無力生也乃是雄豪佐
梁園之陌平若掌放兔呼鷹無不可不然騎驢學爾祖
乘興一鼓山陰柁

吁嗟行示周生

吁嗟周生千里駒，今行不得如蟾蜍。雖有寶劍寒吹毛，一日不遇成鈔刀子不見豐城紫氣干雲霄。鹽車之下多悲號，張華伯樂行相遭。

送鄭器

梁園仲冬雪積阻慘慘，風亂平沙樹泥深。馬瘦不得行，縹緲金陵在何處。青絲絡酒提玉瓶，強出送子城東亭。旦望淮河暮江水，雲飛鴻鴈天冥冥。

寄鮑宇

愧我夷門草堂寂，種菊蕪穢生蓬蒿。爾家華堂近江滸，開花爛漫秋雲高。去年此日同爲客，今年對菊遙相憶。黃山練水在何處，獨倚南窗望南國。

空同集卷十五

五

三鶴歌爲丘三公壽亦載厥實事焉

老鶴東來度海水，與雌俱飛引其子。回翔萬里始一息，丘家麥田澤泚道遙洗。濯飲食足烟如煙，雪無泥滓。此鳥千年丹始成，口銜赤玉蒼龍精。落地化作金光草，采食還丹毛骨輕。古來拔宅將妻子，肯使丘翁地上行。君不見贈鄭莊。

君不見江上鴈，嗷嗷喚儔侶。勁羽輕毛常趁風，往來漂泊如羈旅。男兒落地既有身，誰能齷齪猶婦人。懷中有劍亦不貧，吳下阿蒙君莫噴。

嗚呼行寄康子以其越貨之警

嗚呼皇天不可測一冬無雪春無雨黃霾翻風白日動
前飛禿鶯後飛鴉堂堂古路長蒺藜萬家之城走豺虎
百姓誅求杼柚空兒號女嘯守環堵飢寒盡化爲盜賊
可惜良民作囚虜腰弓帶箭百成羣少年馳馬仰射雲
蒼山日落行旅稀醉唱胡歌各自歸山東趙實已投首
南陽回賊同豬狗諸君但欲樹功業玉石俱焚理或有
近者內三大寧河橫賊八騎持干戈裕州知州與賊戰
康也扶柩衝之過資糧蕩盡僅身免月暗天昏路途遠
吉人作善番轍軻痛哭寒城白雲返頃聞雷滯在襄國
百口仰給縣官食吾兄匹馬走問之半月更復無消息
夜立中庭北極高書看河朔風沙黑汝寧以南土尤赤
空城二月生荆棘斗米可以換嬌女牛馬餓死枯蒿側
比來官吏守空印拖男抱女盡向北卽防此輩更充斥
恐汝後歸歸不得

空同集卷十五

六

送席副使監貴州屯學二事歌

席名書字文同蜀人

我昔在北京送君向河南豈料在河南送君如百蠻瘴
雲蒼蒼途路艱牂牁羅施皆峻山法官要自褰帷入倏
忽開明眾山出大抵夷狄似禽鳥制之雖勤忌拘急此
曹亦是人心性頃來漸慕衣冠習文翁化蜀豈無本李
牧屯田務招輯所恨故人限萬里令我蚤夜心於邑丈
夫已際飛龍會野人猶抱枯魚泣感新懷舊心肺酸萬
事回頭百憂集弘治之間時世異與君次第陳封事許

身謬比漢賈生推君每稱唐陸贄朝回對坐香爐省出
門並結青雲轡自從分手哭遺弓縉紳漂泊余亦同抱
寶梁王修竹園遺址宋帝蓬萊宮生涯放逐似羈旅混
迹迂腐隨村翁曾聞伏櫪有老馬豈卽道路傷秋蓬天
下瘡痍況未息西南貢篚防難通杜鵑尙識君臣禮蛟
龍終收雲雨功相如諭蜀文章壯馬援平交德業雄扶
危濟弱付公等臨岐悵望天南鴻

送鮑激還歙

昔時賢達或未遇途路坎坷常固窮鹽車騏驥亦拋棄
人生豈得無西東君年五十猶未通江湖去住隨飛鴻
黃山紫陽日索寞題詩蚤向軒轅宮

空同集卷十五

七

送鮑相如金陵

去冬君行雪積阻相送城東念羈旅今冬相逢不逾月
再別令我情更苦金陵市頭酒如蜜此去酣歌與誰侶
我在梁園獨岑寂莫教碧草生春渚

君不見贈馬僉事應祥

君不見庭中樹今冬憔悴春作花君不見桑上草含陽
籍土抽紫葩富貴詎有種貧賤豈無涯君今身爲指南
車何不畱之殿京華北游漢水南長沙君雖在漢水與
長沙高不愁虎卑無蛇

得馮御史允中書

鳳凰不識梧桐樹一路蓬蒿鳥雀欺滄洲鴻鵠長毛羽

縱有雲羅柰爾爲昨日郴陽馮侍御臨流寄我錦雙魚
黃河峻嶒雪十丈過臘逢春始得書開緘不見下江舸
梅花滿枝空淚子

秋夜徐編修宅宴別醉歌

徐郎三杯拂劍且莫舞聽我擊節歌今古曲長調悲不
易竟天地熒熒月東吐燕山八月風力怒落葉交加映
尊俎愴時感事百憂集死別生離同一苦身逢累朝全
盛日弘治之間我親覩朝廷無事尙恭默天下書計歸
臺府五陵鞍馬速雷電千官氣勢如風雨卻憶年年秋
月時日與爾輩同襟期如澠之酒差快意袒跣呼號百
不思絃張柱促衣冠禍綜覈崩奔學士疲倉皇世事難
開口物極則還理宜有羸疾已分沙田草遭逢復折都
門柳富貴在天得有命人生反覆如翻手不見去年臨
別處吞聲躑躅鶯求友邂逅寒暄不自知隔絕榮華爲
誰守歌殘酒乾天欲曙門外驪駒已西首哀鳴胡鴈亦
南飛露溼羣星朝北斗

發京別錢邊二子

秋風浙浙吹燕山游子杖劍出燕關車脂馬飽夜將發
錢邊二子來相攀此時羣星覲上帝驂鸞翳鳳雲之際
君不見牽牛與織女一水盈盈獨流涕

東園翁歌

東園翁今六十餘面常泥垢髮不梳身藏寶劍人不識

反閉衡門讀古書此翁十五二十時欬唾落地迸成珠
陸機不敢以伯仲管輅警敏空嗟呼生鱗卽與蛟龍伍
未汗寧同凡馬趨爾時射策黃金闕三百人中最英發
驂騑舉足狹萬里便欲登天攬日月豈知德尊常轍軻
獨買扁舟發吳越三十年來萬事變富貴於我真毫髮
歸來灌園種瓊花荷鋤自理東門瓜夜眠海月挂丹牖
書看江風滾白沙遼東合有逢萌宅齊西再覩陶朱家
北郡李生三十六擯斥高歌臥空谷前輩後輩道豈殊
同坐同行限江麓東望東園亂心曲安得逐爾騎鴻鵠

苦熱東屠參議

豫章之熱眞毒淫六月已破仍不禁赤雲行空日在地

空同集卷十五

九

萬里一望炎煙深東蒸扶桑榦欲槁黑河水乾龍不吟
院松亭亭我所愛比遭摧炙無好陰縱令跣足欲何往
此地寸冰如寸金層檐大廈尙喘喙矮屋茅堂淚滿襟
滕王有閣高百尋閣下澄江清映心紫薇使者臥其上
卷幔恰對西山岑赤腳門子搖大扇行坐吟哦揮素琴
幾欲往訪簿書積豈我無酒同誰斟亭午蘊隆潭水沸
蛟蜃下徙鼉鼉沈何況走原獸棲枝禽鳴呼豫章之熱
其苦有如此而我胡爲營營與世爭華簪

白鹿洞別諸生

東南自有匡廬山遂與天地增藩衛山根插入彭蠡湖
崢嶸背殺三江勢地因人勝古有語於乎萬物隨興廢

學館林宮客不棲千巖萬壑堪流涕文采昔賢今尚存
講堂寂寞對松門松門桂華秋月圓拄杖高尋萬古源
梅嶺古色照石鏡扶桑丹霞迎我軒絕頂坐歌霜月淨
石潭洗足芝草繁更有冠者五六人峭崕窮嶂同攀蹇
草行有時聞過虎旦暮時復嘯清猿我今胡爲公務牽
蟋蟀在戶難久延出山車馬走相送落日遂上鄱陽船
生徒綵戀集涯澍孤帆月照仍畱連情深過厚亦其禮
譚薄竊愧勞諸賢明朝伐鼓凌浩蕩五峯雙劒生秋煙

豫章遇鍾子送贈

豫章八月江勢輕水關行馬沙背平聞君纜舟挽君住
向夕惡風銀浪生頃時收帆萬船集波顛石倒蛟龍立
中流艤子獨何意歎仄猶搖雙槳入天清未風君已回
帆色迢迢萬里來拂衣漢口鳧鴈亂擊榜南浦芙蓉開
漢口逢君又南浦人生聚散風中雨黃石公赤松子在
何所君今抽簪我簪組

董公衙賞緋桃行

吁嗟董公垂老官不遷途雖坎珂志不變三歲提兵兩
列銜此事堪傷亦堪羨二月南風卷章水黃昏西省開
芳宴刑司軍司皆集衙盆中緋桃俄放花董公將鬢向
客誇客起環視咸咨嗟情酣展轉移鐙照酒氣撲花花
欲笑逢人合與世醅酌衰顏苦被春句調君不見玄都
觀裏樹不與武陵源上殊時來開落各異地董公董公

今宵與客且倒花前壺

得家書寄兄歌

三年路遙消息阻緘書實凍兄心苦鴻鴈無愁奮翅難
鶴鴿且暫遊寒渚時望東湖西日微雪冬廬嶽北思歸
獨虞四海干戈滿生別悲傷見面稀

寄鄭生歌

南康烈風無時休將歸船滯增煩憂空城雪埋狐兔走
十日凍合鼉河洲廬山咫尺不得往汝在梁園獨予想
開緘嘆恨東遊阻琅玕天姥春空長

余鄒二子遊白鹿書院歌

洞原路冰山徑微二子日游過夜歸巖宮古刻徧覽讀
馬時踰跌泥在衣頃來烈風號季冬雪霾不見五老峯
苦心數子守寂寞我病講堂虛鼓鐘二子此行真特奇
異時獨往今可知虎吟狐嘯且不懼肯使楊朱泣路岐

戲贈周紀善

廣文先生何爲者十欲出門九借馬只今徒步襄水濱
衰鬢漠漠常風塵鳳凰在筮鷄啄食首菡闌干半青黑
君不見楚筵醴罷暮歸來甑塵妻子無顏色

龍沙行別袁生

君不見玉虛觀前松去年凍乾今復生樹靈力排雷雨
會榦大每與蛟龍爭下有萬古不定之龍沙風滾無時
休英雄奮發各有時運至賈販皆公侯腐草尙爲螢何

況堂堂七尺軀萬物之靈高牙大纛苟不我石泉白雲
誰復爭舉眼江漢鴻冥冥與爾倒此沙頭瓶

潯陽寄毛君湖口

大江六月涼風發匡廬清波滾明月削出萬朵青芙蓉
水底搖動金銀闕美人盈盈坐湖縣昏叩石鐘曙睇髮
悵望迢迢碧雲合早晚扁舟向蠻越

鄭生山游歸予作此歌

跋予望之六六峯欲往爭柰今嚴冬石林崎嶇積雪盛
日中無煙虎豹病生也孤往胡所稀凍攀幽嶮探其微
手皴面黑逾旬歸太室少室何者奇曾否首陽歌采薇
北邙逶迤清洛遠天白日崇伊闕晚灞上騎驢爾靡辱
袁安高臥吾應覩忽然想生經行宋家陵往來寂寞東
西京翹首淚下嵩山青

丈人行

丈人九十牙齒存行曳竹杖挈玄孫只知灌園同漢陰
何須采藥游鹿門山房春歸碧草萋蕙帳月白露滿蹊
少微星沈湖水湧松林夜夜猿嘯嘍

鶴癯子歌

鶴癯子汝人也而何爲乎鶴形美髯修修雙瞳青閉肆
夜讀黃庭經晨出荷鏡掘茯苓鶴癯子汝豈無萬里骨
刀劍翻路遙朋寡日云暮弱水蓬瀛壯心隔君不見江
中老龍亦高臥鶴乎鶴乎誰汝那

寄殷給事中歌

斑鳩賦形百鳥內化爲蒼鷹百鳥避秋空萬里試一擊
灑毛紛紛稱鷹意回旋簸蕩風沙開海靈光清鸞鳳來
天地炯炯元精回此以贈君君母猜金陵雖隔黃金臺
汝翊紫蓋臨三台飛章御覽不十日道路聞靜豺狼哀
憶昔匹馬長安走殷何徐陸皆吾友楚姬娉婷華色並
殷生稜眉獨方口何郎短小亦不醜化離今各經年久
夢寐猶存上苑花飄零寂寞西湖柳丈夫致身貴不朽
陟要階華亦何有賈誼才名信早知姚崇相位非難取
大江滾滾東北趨羣龍霜蟄鼉叫呼汝登鳳臺念老夫
爲我致一鳳之雛我不敢玩亦不敢狎誠心餽飼毛羽

空同集卷十五

三

全使聽簫韶翔舜都

送田生赴京歌

正月八日天驟黃大風晝晦沙飛揚河冰慄烈人不行
駕鵝鵠鴈交踉蹌黃鵠呼曹厲毛翼一舉橫天向天北
君不見左生北上田生俱長安走馬花九衢

送陳冠歌

虎子墮地氣已麤驕驕汗血自爲駒陳生垂髻骨卽殊
雙瞳炯炯唾成珠前年汝與計吏俱承明謁帝未生鬚
丈夫志欲日月並雲雨且使蛟龍須冬風獵獵吹楚湖
憐汝送母催楚臚調羹臘盡江門水戲彩春停汴上都
憶昔乘驄按南國汝在諸生獨英特三秋自阻北飛鴈

萬里今逢舊顏色私計彭宣晚必親敢言裴儉前能識
寒溫始知君子厚杖屨番增世人惑瓠子柳煙風日和
力疾送子臨黃河汝親日望泥金使老夫擬作瓊林歌

芝柈行

崑崙子之來也李子觴焉及夜瓶芝自墮以爲
柈行觴焉平可樂二觴行之穩持之輕客大駭
笑歡盡醉而李子賦詩

霜嚴夜清月在南燈明酒溫客氣酣銅瓶玉芝鏗墮地
客將傳玩誇神異仰芝把蒂行金杯蒼文古紫當筵開
已驚歛澹菡萏動更詫屈錯蛟龍回憶芝初出盤精氣
雲流石立魍魎避赤箭琅玕色盡枯神訶鬼守求非易

空同集卷十五

古

泄祕眞遭天地怒懷珍顧使時人忌自從獲芝升我堂
琴書几席俱輝光晴日徐看瑞氣合炎天每挹仙雲涼
燕山豪士來何方悲歌起舞宵未央芝乎自銜亦太異
頓令四座深杯觴觴行透迤月轉白月色芝光巧相射
醅醕觸擊瑪瑙碎淋漓迸落眞珠赤君不見玉屈卮金
叵羅珠花繡草柱自豔停杯聽我芝柈歌

李空同詩集卷十五終

李空同詩集卷十六

北郡李夢陽獻吉撰

七言歌行四十一首

朝飲馬送陳子出塞

朝飲馬夕飲馬水鹹草枯馬不食行人痛哭長城下城邊白骨借問誰云是今年築城者但道辭家別六親寧知九死無還身不惜身爲城下土所恨功成賞別人去年賊掠開城縣黑山血迸單于箭萬里黃塵哭震天城門書閉無人戰今年下令修築邊丁夫半死長城前城南城北秋草白愁雲日暮鳴胡鞭

胡馬來再贈陳子

空同集卷十六

一

冬十二月胡馬來白草颯颯黃雲開沿邊十城九城閉賀蘭之山安在哉傳聞清水不復守游兵早阨黃河口卽看烽火入甘泉已詔將軍屯細柳去年穿塹長城裏萬人齊出千人死陸海無毛殺氣蒸五月零冰凍河水當時掘此云備胡胡人履之猶坦途聞道南侵更西下韋州固原今有無從來貴德不貴險英雄豈可輕爲謨尙書號令速雷電抱玉誰敢前號呼遂令宵旰議西討茲咎只合歸吾徒我師如貔將如虎九重按劍赫斯怒惜哉尙書謝歸早不覩將軍報平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕姑

弦鳴仰墮雙飛鳥南平川漢北殲胡蛇矛臥地刀劒蕪
朔風吹霜塞草落馬騰士奮于狩作將軍夜令晨步同
積沙黃黃日色薄部下游擊五千人競時爭能各有神
驅飛翼走入我網千隊萬隊何駢駢氣酣前赴逞一決
零亂旌旗倏明滅殺氣上回靈武雲火烈直透天山雪
張公觀此番逡巡紅衣白馬如神人衣也蟠蟒金麒麟
朝廷所賜榮功臣攔頭報捷者誰子手提禽獸血滿身
生截羆豹纍雉鷄中軍小校額抹巾見之一騎風起塵
左射奔鹿右斃豕更追狡兔趨窮榛張曰於乎奚用是
昊天肅殺存至仁縱金按節止中野燔臍魚鮮燕蒐者
禮樂行軍分自嚴賞罰正簿誰能假何地眞收吐谷駝

空同集卷十六

二

一卒乃獲大宛馬長城窟冰胡鴈稀輕輦緩吹諸部歸
懸戟慘淡鴉鳥委垂鞍礮礮熊兕肥少年猶忿殺獲微
翻身教弩追雲飛我聞蒐狩古侯禮三驅六御今何以
纘武雖存于貉文戒荒合避長楊侈將軍秣馬厲部士
爲防西北烽煙起

送全儀賓朝天歌

風吹黃塵暗河甸行子拍馬來相見春寒晝陰沙冥冥
九衢散亂花如霰自言手捧紫瑤函馳謁帝黃金殿
甥壻當朝禮覲同往來遣荅猶親面南陽貴人骨固殊
敦親倍錫明光宴入議輕微實惋惻時情詎識皇心眷
開函爛漫百色備龍盤鳳曲流雲氣繡女咨嗟鋪緒工

體裁脗合三宮意吳羅疊雪祇懷報南金象齒堪沈避
自離京國十年餘每懸金闕憶金魚班行日侍諸王聘
混一曾瞻萬國書君過上林聊駐車春風舊樹花應舒
有暇更欲問西湖埽地垂楊今有無

送田氏

寒城野霜鴻噉噉羊腸木零熊豹號彼汾沮洳望心勞
葭莖委折風波濤山西刑司氣何豪西邁白日行旌旄
七星九丸明佩刀君不見黃河飛雲立如蓋一鶚乘之
向并代

贈鄭郎

郎來張拱向我揖玉樹亭亭我旁立叩之論語背誦畢
曲禮幼儀汝能習黃河柳絲飛欲盡練水桐花放將及
汝父昨來今汝歸有琴在抱書在笈君不見師山後人
代非乏勉旃無效羣兒狎

太華山人歌

山人昔居太華峯結屋玉井餐芙蓉夜隨金精朝白帝
誤搗天鼓撞鴻鐘帝怒謫之荒江濱淚添江漢齊朝宗
閭闔九重豹虎蔽霜雪十年鴻鴈冬江邊諸山不可眼
夢寐猶跨雙茅龍有時夢到西嶺坐環海內物盡么麼
一綫黃天涇渭流拳石白晝岷峨破翳鳳驂鸞觀玉京
羽節雲軒度婀娜織女虛無指前路沐髮有益不借我
山鬼含笑倚巖立仰看明星斗如大猿唬蛇吟萬壑靜

山人歸來淚交墮

相逢行贈劉按察元瑞

一別六年不相見風塵歎觀劉郎面西關官亭車馬都
使君驄馬朱雀符有虔秉鉞映交衢把臂道故情鬱紆
仰視高天白日徂憶昔同殿含香趨萬事反覆難具鋪
秋風颯颯響枯樹蛟龍立鬪黃河怒舟子無憂旬浹阻
大夫且試登高賦城南柳徑梁王苑廟門書院松林晚
此時與子臨高臺邊侯綺席金尊開苕場微雲氣出沒
但見悲風萬里從東來寒空孤鴈叫且哀搗鷓鼓翅號
其儕飛沙激霧相徘徊願賓與主酌酌歸不見昔時杜
甫與高李三子者氣壓百代今塵埃

空同集卷十六

四

王郎行

王郎行者贈王氏二郎者也王郎將試於有司
予於是賦王郎行贈焉夫子賤君子稱之魯頌
曰齊人族類彰諸詩蓬麻自直事有本因子故侈其
大夫曰家世并及其父子兄弟之間

將軍開國弓劍傳子孫章甫能朝天相國沈冥二十年
懷寶弗售人所憐飛纓躍馬赫動地公也視之如浮煙
雅歌日醉金尊前生有三男子不令學劍令青編大郎
早躡黃金榜聲名佐郡青雲上二郎穠鬱更英特掇青
拾紫猶翻掌三郎年十餘頭顱角嶮如拱立向人前解
背經與書二郎昨別我云將還故鄉馬蹏馳逐秋槐黃

龍泉出匣光自射驊騮歷塊疇能當連翩騎從喧皇州
春風紫陌行鳴騶生兒當如孫仲謀于嗟相國胡所憂
濁醪性恨不滿甌聽我王郎行我行還自歌何以贈之
珊瑚柯又何贈之玉山禾願郎歸白玉珂

郭生行

君不見大梁郭生少小能英奇生長富貴心寒飢兀坐
日誦書與詩下究王伯上軒羲郭生有父王國賓有母
食邑稱之君鯉庭獨立猶詩禮熊膽親丸或夜分生有
兩男子大者覽輝起次者郭生鼓翅亦上青霄裏憶昔
匹馬走燕甸長安三月花如霰射策曾登金馬門垂衣
帝在蓬萊殿三十年間萬事變後生袞袞蜚英彥結綬
初諠東閣賓彈冠復報南州薦太平既極邊功開武帝
射蛟江未回上林會有誇胡獵願生早試長楊才

結交行贈李沔陽

古人結交如種稷今人當路栽荆棘世間萬事各有極
人生何必相傾仄君不見李沔陽五馬昨朝天天冰地
裂衝寒煙三月不遇見天子歸途困頓心憂煎南行波
濤值洶湧蛟龍失勢鼉鼉踊留滯聊棲梁孝臺醉歌直
據侯嬴冢卻憶當年侯未鬚識者盡道驪駒駒落筆遽
掩羽獵作挺身遂上青雲衢百戰不候李廣辱一麾出
守延之吁峽靈光射下和玉月明淚迸鮫人珠李沔陽
汝無學雲夢吞亦莫效江南哀六龍挽車日月輪萬里

簸蕩風沙開棄君舟楫理銜轡有人物色騰驥材

蕙苒行贈王氏

南征馬援還東都人言滿載皆明珠發封視之乃蕙苒
羣臣失色天子吁世情毀譽本好惡後生輕信迷眞誤
暗投固宜明月棄同居豈免蛾眉妬自君夙夜歌在公
尊中醴酒常不空德尊日見兒孫盛名成反致讒邪攻
雖云喬樹多烈風曷有寸霧殘高空君不見周時吉甫
稱大賢孔門弟子推顏淵掇蜂拾塵尙見惑豈我千得
無一愆君堂有客俸有錢槐庭偃蹇花含煙胡不酌酌
金罍前萬事置之休問天

徒步東行贈鮑激

空同集卷十六

六

鮑生六月徒步東久曠赤日昏沙風旦行眼眩扶桑紅
足疲暮憩空桑中帽浥衣沾乾復溼必逢佳樹始一立
道傍有驢無錢騎短詠微吟口翕戢杜甫遺詩入罕全
鮑生記之將及于論工尙恨黃初淺泥古常卑大歷前
豈知才大番爲崇臨岐獨下楊朱淚鹽車雖蒙苴滓辱
長鳴未折風雲氣生今坎珂三十年同時細估豪熏天
出門寶馬雙翩翩道逢鮑生不舉鞭生不見五殺大夫
歌屢屢商歌飯牛聲夜悲賢達困窮何代無仰視萬里
浮雲徂

夏日田居蘇生攜酒見過

疾風六月樹枝折火雲纍纍白絮裂城南老夫正高臥

荒郊款段蘇生過塵埃滿面鬢髮亂手攜清壺來餉我
季子才名三十年射楊百發百葉破逢時幸首南宮薦
塌翻尚忍西山餓丈夫生世古難同蘇也巷西我巷東
追尋不計襤褸熱淹畱祇恨金尊空君不見昨朝雨雷
今則風世事反覆誰豫通得時無誇好身手失意豈必
皆愚蒙野池紛披蓮半紅黃鸝噤語空林中勸子盡醉
休匆匆人生幾何吾已翁

送人使安南

安南陪臣騎馳突歌吹春喧淚水窟蛟潭飛雨動霹靂
島城毒雲開日月黃門使者白澤袍南來氣與秋天高
當今天子古聖人諭爾歲事勤包茅永令炎海無波濤

空同集卷十六

七

有鶴篇贈翟翁

有鶴褊褊海上來乘風爰止梁王臺洪河怒濤野蕭瑟
含情顧影卻飛回十洲來往羣仙戲舉身上下上隨雲氣
君不見夜來東海頭南極一星光照地

賦得姑蘇臺送李推官士允

少年何官騎白馬秋日經過古臺下同瞻遠慮意臧促
下馬行歌淚盈把猗嗟築此誰爲臺千年棄土猶崔嵬
屨廊娃館瓦礫積美人白骨生青苔枯蒿蟲吟莽颯颯
飛雲叫鴈雙徘徊當時金屋玉起樓豈謂臺成麋鹿游
寶鈿黃金裹瑟瑟雨時濯出樵人收李生豪士扶風儔
悲歌久抱流連憂世家各讀日一過獨廢吳越傷春秋

復思鴟夷氣益奮怒目每送長濤流挾眼東門事已往
茲臺再過君休上日暝煙波湖水深范歸恐有同行漿
送王子歸鄂杜

賢兄已上蒼龍閣令弟猶甘飽藜藿膝下雖無一寸綬
腰間常吼千金鏢騎驢狂走長安市酣歌擊缶白日落
黃金不成徒自嘆烏裘脫盡那堪著道逢石室舉鞭揖
謂爾骨相殊不惡終南鄂杜豪俠窟從來意氣無京洛
歸家早鑄雙玉龍提攜來獻明光宮

贈鄭生

狐裘騶馬誰家子往來馳驟塵沙起右撚羽箭左把弓
仰射忽墮雙飛鴻野寒日昏慘慘風下馬揖我立我東
一箭直西貫楊樹抽身上馬入城去

空同集卷十六

八

石峯子歌

石峯子昔住石峯山茅堂巖壑豁舒間松孤桂叢白日
靜坐玩碗礪聆潺湲石峯子驂鸞覲帝今幾秋狢猿哀
嘯鴻鵠愁頊爲四岳振南州珠崖瓊海毒厲收丹穴有
鳳鳴啾啾願子早致儀西周經過舊山莫淹畱君不見
舊山頭葛藟蔽翳寒泉流

寄寄庵子

寄庵子嘗曰人生寄爾然利孰與義安術孰與
美久臭孰與芳永庫部駱子以其言告李子李
子曰卓哉張子持此於天下誘之能移撼之能

動乎能招之來麾之去乎於乎張子者足以荷
天下之重矣於是作寄寄庵子詩

嚶其鳴矣彼何求天下願識韓荆州心傾義投神便往
萬古不廢江河流張侯崛起西南裔覽輝振翮風雲際
鉤陳蒼涼閫闔閉排闥直謁蓬萊帝多冠冢冢不動神
挺身遂作蘭臺賓竊憤辛裾謂洪忍誓與朱檻爭嶙峋
已看騷裏狹道路復訝鵬鶚卑風塵霜飛維楊海月苦
陽行沮洳汾花春還朝袞衣換日月立仗正色指星辰
行步既工馬從瘦諫草每就鷄將晨餘力猶馳翰墨圃
先秦兩漢文心苦壯志真趨劔閣銘張孟陽幽懷緬擬歸
田賦張平子拖珠響玉豈不足覲面徒餐竟何補及時願

空同集卷十六

九

作朝陽鳳不然退與漁樵伍予也綸竿孟諸客心本無
他眾莫白李白世人欲殺之蘇軾能詩遭貶斥雷劔雖
埋光在天卞玉未剖終爲石垂老重逢四海清虛名幸
免諸公擲思君欲追嵇呂駕贈言輒踐回由迹顏淵季路有
田負郭不餓死且自射獵苾碣澤

龍仙引贈駱員外

壯士狹四海萬古一大夢俗夫醢雞耳生死不出甕滅
沒等蒿草勞勞竟焉用君求句漏學稗川往求棲息羅
浮煙自從異人授丹訣行地乃作飛龍仙左攜浮丘右
洪厓檣里景純執我鞭崑崙巔倚倚天外黃河九曲如
衣帶南支江湖楚蜀匯北支嶮塞華夷界少時振衣登

賀蘭開眼已無西北山中年謁帝聽廣樂曳裾赤手搖
天關朝攬金臺雲夕披玉峯霧翔鸞鏘鏘導前路左躡
豹右伏虎旂幢旖旎雜翠葆龍兮龍兮汝雖變化叵測
慎無使頭角露祥麟威鳳世見希泄祕盡巧鬼神怒深
山大澤多戢鱗龍也穆沕幸自珍緱城玉笙兩鶴舞太
室珠樹三花春從茲謝人放浪去笑跨白鹿乘鸞輪

送李中丞赴鎮

黃雲橫天海氣惡前飛鷺鶴後叫鶴陰風夜撼醫無閭
曉來雪片如花落中丞按轡東視師躬歷嶮隘揮熊貔
已嚴號令偃鼓角更埽日月開旌旗椎牛李牧將士躍
射虎李廣匈奴知屯田金城古不謬賣劍渤海今其時

空同集卷十六

十

塞門蕭蕭風馬鳴長城雪殘春草生低飛鴻鴈胡沙靜
遠遁鯨鯢瀚海清不觀小范擒戎日誰信胷中十萬兵

雨燕醉歌

迅雷擊城鴉欲翻黑雲壓天白晝昏展席斜對城南門
長安大雨如傾盆我馬已惜錦障泥主人況具黃金尊
脾睨將將下萬瀑龍蛇繡繡動高壁出門牛馬不復辨
炎霧毒蒸靜如拭酒酣爲君如意舞夕雨轉急風轉怒
祇恐谿壑受不得海倒江翻亦難測

結腸篇二首

李子曰結腸之事蓋予妻亾而有此異云莫妻
以牲烹腸焉腸自毳結李子異焉曰胡爲烹胡

爲結恍惚神怪孰主孰使厥理孰測怨邪德邪
生有所難明死託以暴衷邪嗚呼嗚呼作結腸
篇焚妻柩前妻固識文大義或亦契其冥懷也
哀者且停聲弔客坐在堂聽我結腸篇曲短哀情長五
月廿七吾妻亾厥明奠之羅酒漿其牲伊何積與羊痛
哉釜鬻結積腸神靈恍惚心駭傷團圞肉毳出中湯左
回右盤準流黃經緯纏糾文陰陽底形井字圈兩旁翼
翼彷彿雙鳳凰有綬在下纍而長上有提襪五寸強汝
乎無意豈爲此呼汝欲問魂茫茫十呼不應百轉咽腸
乎腸乎爲疇結

結腸結腸忍更聞妾年十六初侍君父也早逝母獨存

空同集卷十六

十一

爲君生子今有孫昔走楚越邁燕秦萬里君寧恤婦人
外好不補中苦辛中年得歸計永久命也百病攢妾身
言乖意違時反脣妾匪無迂君多嗔中腸詰曲難爲辭
生旣難明死詎知千結萬結爲君爾君不妾知腸在此
結腸三闕聲更咽汝腸難解我腸結夙昔失意共奔走
汝實千辛我踰跌宕歸家定今稍寧豈汝沈緜遽離絕
魂乎魂乎游何方兒號女哭周汝旁劇心飲泣看彼蒼
愚者何壽慧何亾佇立逶迤若有望迫而卽之獨空牀
梁間二燕哺子急觸落青蟲污我裳錦衾塵埃委鴛鴦
總帷中夜風琅琅魂驚夢搖中慘傷陰雨啾唧鐙無光
嗚呼此曲不可竟爲君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在巳
星落轅門悲孔明尙書頭顱血洗箭馬革纏屍亦堪羨
夷門野夫國士流痛哭天遙夜雷電

是月雷電屢作

哭新縣

是時新設萬年縣新民反覆殺副使李情靈寶
人也

苦死可憐靈寶子有官十數同時死四路蕭蕭人斷行
一軍盡驚牀夜徙新民反覆誰不知性實虎豹佯螻蟻
白金綵段縱寬汝朝廷有問將何以

空同集卷十六

主

觀鐙行

詳見夢華錄

宋家累葉全盛帝寬大實皆稱令主百姓牛馬徧阡陌
太倉米粟憂紅腐宣和以來遂多事嗚呼爛費如沙土
海石江花湧國門離宮別殿誰能數羣臣諛佞祇自計
天下騷然始怨苦正月十四十五間有敕大駕觀鼇山
萬金爲一鐙萬鐙爲一山用盡工匠力不破君王顏此
時上御宣德門樂動簾開見至尊奔星忽經於御榻明
月初上堆金盆傾城呼噪聲動地可憐今夜鼇山戲窟
冥幻巧百怪聚金蛾翠管堪垂淚借問幸臣誰云是李
師師外有蔡京與蔡攸夾樓錦幄羅公侯丞相之幄當
前頭奚兒腰帶控紫騮如花少女擊綵毬但聞樓上喚

樓下黃帕籠盤賜玉羞月高鳴鞭至尊起幄中環珮如
流水爭道齊驅輦路窄寺橋窈窕塵埃白火樹龍燈又
一時千光萬焰天爲赤常言宴安成禍基從來樂極還
生悲君看二帝蒙塵日數月東京荒蕪藜

石將軍戰場歌

清風店南逢父老告我已巳年間事店北猶存古戰場
遺鏃尙帶勤王字憶昔蒙塵實慘怛反覆勢如風雨至
紫荆關頭晝吹角殺氣軍聲滿幽胡兒飲馬彰義門
烽火夜照燕山雲內有于尙書外有石將軍石家官軍
若雷電天清野曠來酣戰朝廷既失紫荆關吾民豈保
清風店牽翁負子無處逃哭聲震天風怒號兒女牀頭
伏鼓角野人屋上看旌旄將軍此時挺戈出殺胡不異
草與蒿追北歸來血洗刀白日不動蒼天高萬里煙塵
一劍埽父子英雄古來少天生李晟爲社稷周之方叔
今元老單于痛哭倒馬關羯奴半死飛狐道處處懽聲
噪鼓旗家家牛酒犒王師休誇漢室嫖姚將豈說唐朝
古骨白沙礫慘淡愁行人行人來折戰場柳下馬坐望
居庸口卻憶千官迎駕初千乘萬騎下皇都乾坤得見
中興主日月重開再造圖梟雄不數雲臺土楊石齊名
天下無嗚呼楊石今已無安得再生此輩西備胡

今冬有人自京至向我道說玄明宮木土侈麗誰辦此
乃今遺臭京城東割奪面勢創截業出入日月開帡幪
矯託敢與天子競立觀忍將雙闕同前屹石柱雙蟠龍
飛梁透迤三彩虹寶構合沓殿其後儼如山嶽翔天中
金銀爲堂玉布地千門萬戶森相通光景閃爍倏忽異
雲煙鬼怪芴杳濛以東金榜祠更侈樹之松檟雙梧桐
溟池島嶼鯁鯉躍孔雀翡翠兼羆熊那知勢極有消歇
前日虎豹今沙蟲窗扉自開衛不守人時游玩搖玲瓏
陛隅龍獸折其角近有盜換香鑪銅青苔生泥獍面鎖
野鴿哺子雕花櫳憶昔此闕握乾柄帝推赤心闔囹圄
威刑霹靂縉紳毒自尊奴僕侯與公變更累朝意叵測

空同集卷十六

古

拊克四海真困窮長安奪第塞巷陌心復豔此闕何蒙
構結擬絕天下巧搜剔遂盡輸僱工神廠擇木內苑竭
官阮選石西山空夷墳伐屋白日黑揮汗如雨斤成風
轉身唾罵聞得知退朝督勞何匆匆人心嗟怨入骨髓
鬼也孰復安高崇峩碑照耀頌何事或有送男充道童
聞言愴惻黯無答私痛聖祖開疆功渠干威福開者誰
法典雖嚴奈怙終錦衣玉食已叨竊琳宮寶宇將安雄
何宮不鐫護敕碑來者但看玄明宮

康郎山歌

君不見康郎山屹立東湖中波濤撼蝕山脚塌破廟枯
木常烈風芘碣草昧赤帝出揮劍遂使凡蛇空臥榻之

外事亦小萬方有罪惟朕躬美姬寶玉歸御幄浮屍蔽
江江水紅發蹤劉陶固其力死戰難言非數公秦人枉
哭嶠函瘞漢祖輕酬垓下功至今有廟此山側天陰雨
溼時見朱旗白馬光如虹

乾陵歌

武后陵黃巢伐之
事具雪航膚見

九重之城雙闕峙前有無字碑突兀雲霄裏相傳翁仲
化作精黃昏下山人不行蹂人田禾食牛豕強弩射之
妖亦死至今剝落臨道旁大者虎馬小者羊問此誰者
陵石立山崔嵬銅鐵錮重泉銀海中縈回巢也信力何
由開君不見金棺玉匣出人世薔薇冷面飛塵埃百年
枯骨且不保婦人立身何草草

空同集卷十六

五

劉子有金陵之差遂便觀省

使君昔居紫荆關日登燕嶠望吳山逢人顏色鬱黯默
對酒涕泗交潺湲使君南向金陵去孤帆夜拂春天樹
旅枕常欹月落時夢魂先到雲飛處揚子江頭青草斜
大孤山前開杏花行人三月重回首游子一年初到家
出門煙草滿芳甸鳳凰臺接麒麟殿游陌聯翩追宿娛
墨場婉嬾羅賓讌人生意氣無南北白馬青袍動江色
卽看艤舸石頭城還聞稅鞅鐘山側鐘山峯嶺壓秦淮
燕趙風雲入望來芙蓉秋鷹多愁思問君何日錦帆回

送仲副使赴陝西

驄馬白玉鞍長鳴下雲端今朝發汴水何日到長安孝

王臺前雪如山垂楊埽地春風還使君不帶冰霜色卻帶春風入漢關相思明月樓西望古秦州河南咫尺不可見何況千山萬水頭西望秦州是我鄉隴樹秦雲空斷腸褰帷杖鉞經行地欲寄雙魚到慶陽

徐子將適湖湘余實戀戀難別走筆長句述一

代人文之盛兼寓祝望焉耳

崢嶸百年會浩蕩觀人文建安與黃初叱咤皆風雲大歷熙寧各有人夏金敲玉何繽紛高皇揮戈造日月草昧之際崇儒紳英雄杖策集軍門金華數子眞絕倫宣德文體多渾淪偉哉東里廊廟珍我師崛起楊與李力挽一髮回干鈞天球銀鬻世希絕鼉掣鯨翻難具陳洪

空同集卷十六

六

川無梁不可越日暮悵望勞余神徐郎生長蘇臺陰二十作賦雄海濱竭來抱玉叩閭闔長安繡陌行麒麟是時少年誰最文太常邊丞何舍人舍人飄颻使南極直窮金馬探瀘津兩雖不卽見顏色夢中彷彿形貌眞余也潦倒簿書客諸公磊落清妙身大賢衣鉢豈虛擲應須爾輩揚其塵休令黼黻怨岑寂要與琬琰增嶙峋海陵先生雅愛士晚得徐郎道氣伸喬王款接雖不數邇聞亦欲來卜鄰驂騑造父兩相值一瞬萬里誰能馴都門二月芳草發御溝楊柳垂條新徐郎縮牒將遠適使我且夕生悲辛爲君沽酒上高樓月前醉舞梨花春天明挂帆向何處鴻鴈哀鳴求故羣南登會稽探禹穴西

浮湘水弔靈均洞庭波寒木葉下峽口風急猿嘯聞司馬太史有遺躅歸來著書追獲麟

龍州歌送沈編修使安南

龍州南接六那溪白鷗黑猿相間嘯烏蠻灘頭苦竹密伏波廟前春日西揚旌走馬迎天使擁節封王壯漢儀試向殊邦觀禮樂交南元是舊邊陲

漢江歌送范子之桂陽

漢江江上鷓鴣鳴漢江游客無限情青山落日下帆影芳草月明聞櫂聲黃鶴磯頭暮雲盡鸚鵡洲邊春水生莫倚仲宣能作賦洞庭南接桂陽城

孤鶴篇壽豫齋王子

孤鶴無下朋達人有高步出入凌紫氛翱翔在天路白玉城中十二樓明月夜上珠簾鉤颯沓欵降萬羽節蚬繆或見雙花虬鳥喙者誰髮蓬首問之云是西王母玻璃已進崑崙桃金壺復瀉長生酒下視黃蒿鷓鴣飛爭安競穩一枝依垂天更憶扶搖翼六月誰知變化機

聊城歌送顧明府

聊城纍纍枕桑野使君懷古聊城下龍蛟慘淡七雄鬪當時誰是排紛者海東隱淪難見面平原不見安平見已聞笑卻邯鄲軍還遣書飛燕將箭平生急難輕列侯功成豈必千金酬只今往迹浮雲盡遙矚滄溟日暮流李空同詩集卷十六終

